

# *TSHEDZA TSHITSWUKU TSHI*

## *TAIDZAHO TSHA TSHIGA*

### *TSHA UDZA HAWE*

 Ndi a ni livhuwa, Murathu Neville. Kha ri vhe ro ima lwa tshifhinganyana fhedzi u itela thabelo, huno ri kotamise zwifhatuwo zwashu. Khotsi ashu wa Tađulu, kha Iwe ri nekedza thendo nga nthani ha zwothe zwe mađo ashu a zwi vhona na zwe ndehevhe dzashu dza zwi pfa. Huno ri a U livhuwa, Murena, ngauri namusi ri a zwi divha uri Iwe u Jehovah Mudzimu a sa shanduki muhulwane we tshifhinga tshothe a vha nga u ralo nahone U do ralo misi yothe.

<sup>2</sup> Ri a U livhuwa nga nthani ha Yesu Kristo We a ita uri zwi konadzee uri ri kone u vhuja ngomu ha vhuđama ha Mudzimu na Iwe hafhu, nga u shululwa ha Malofha Awe a si na mulandu, uri nga tshi—tshipfumelo tsha ayo Malofha rine zwino ri vharwa na vhananyana vha Mudzimu. A zwi athu vhonala zwine ra do vha zwone vhufheloni, fhedzi ri a zwi divha uri ri do nga Ene, ngauri ri do Mu vhona zwine A vha zwone. Huno, Khotsi, izwo zwo eđana tshothe kha rine, samusi ri tshi fana Nae, ro ima nga tshivhumbeo tsha tshifanyiso Tshawe.

<sup>3</sup> Huno zwino, Khotsi, a ri ḥodi u vha kha ino awara ri tshi difanyisa na zwithu zwa shango, fhedzi ri shandukiswe nga u ntswafhadzwa ha myua washu, nga Myua Mukhethwa, uri A kone u da huno a dzhia matshilo ashu kha ndondolo Ya Ene munę, huno a—a ri ranga phanda nahone a ri endedza kha maduvha o salaho ane ra vha nao kha liphasi, huno ra hudza Dzina Lawe lihulwane.

<sup>4</sup> Ri a U livhuwa nga nthani ha izwi zwithu zwothe. Huno nga dzindavhelelo ri ḥoda madalo Au na riđe madekwana a namusi musi ro kuvhangana ngomu zwino, huno ri tshi tenda uri U do ḥangana na riđe vhunga Wo fulufhedzisa. Dzinani ja Yesu Kristo. Amene.

Dzulani.

<sup>5</sup> Ndi tenda uri ho vha hu Dafita we a ri, “Ndo vha ndo takala musi vha tshi ri kha riđe, vha ri kha nne, ‘Kha ri ye ngomu nduni ya Murena.’” Huno ri a livhuwa nga maanda nga ngoho u vha fhano madekwana a namusi, huno ri pfa i pfanelo u vha na tshifhinga itshi tshavhuđi tsha u—u vha fhano, ri tshi amba na vhoiñwi vhatu.

<sup>6</sup> Ndi khou ita dziinwe theiphi. Ngauralo ndi khou tou sedza murahu ngomu lufherani u vhona arali vharathu vho vha vha tshi khou wana dzitheiphi. I—i kati zwino, theiphi dzi khou ḥuwa. Zwo luga. Ndivho iyi ya uyu, ndi uri, ndo do fulufhedzisa uri u rumelwa ha Milaedza nn̄da, hu do da, i do theiphiwa fhano thaberenakeleṇi. Zwino riñe ri...

<sup>7</sup> Ndi do takalela u amba tshiñwe tshithu nga ha ano matsheloni. Namusi, heneffo nga masiari tshivhangalala, kha ndi ralo, musi ro vha ri tshi khou fhedza muṭangano wa nga matsheloni, tshiñwe tshithu tsho itea tshe khamusi vhañwe vha vhoiñwi no vha ni siho fhano huno a no ngo pfa nga hatsho. Ndo vha ndi tshi khou vala tshumelo, nahone ndo vha ndi tshi khou amba ndi kha pulatifomo hafha, ndo sedza mukomana o ima ngeno nn̄da a tshi khou khadana na vhatthu, ane dzina a pfi Mukomana Way, ri mu vhidza lenelo fhano. Mufumakadzi wawe ndi muongi wavhuđi o ñwaliswaho.

<sup>8</sup> Huno Mukomana Way ndi muñwe wa vhalanda vha Mudzimu, nahone u shuma na kha mushumo u sa kwamiho vhurereli, fhedzi u na mbidzo kha mbilu yaye, lwa miñwaha, kha tsimu ya mushumo wa vhurumiwa. O pfa a tshi rangwa phanđa uri Mudzimu u tea u mu disa fhano huno a lindela kha yu mushumo fhano u swika a tshi ḥanganedza dziñwe ndaela dza u ya phanđa ngomu tsimuni. Mađuvha a si gathi o fhiraho, ndi tshi khou amba nae, nahone ndi na muvhudzisano muṭuku na ene na mufumakadzi wawe.

<sup>9</sup> Huno nga matsheloni ano, musi ndi tshi khou qibula u vha hanga na vhudinyadzi, ndo amba nga ha Mukomana Way sa ane na ene a vha na vhudinyadzi, zwine zwa vha uri zwa vhukuma zwi ngonani vhukati ha vhatthu vhođhe, huno nga tshi—tshifhinga tsha nga murahu ha hetsho, Mukomana Way a rwiwa nga vhulwadze ha mbilu huno a wela fhasi a fa. Huno nda vhona mufumakadzi wawe, huno nda dzhieila nzhele... Ndo no vha vhukati ha vhatthu vhanzhi vha no khou fa, huno a—a thi tei u—u amba hezwí.

<sup>10</sup> Ndi takalela u zuwa nga ha Yesu Kristo na maanda Awe. Fhedzi nga tshino tshifhinga ndi elekanya uri ri songo lingeda na kathihi u zuwa nga Hae nga ihwe ndila-vho kha tshiñwe tshithu tshe A—A—A sa tshi ite. Fhedzi ndo vhona Yesu Kristo a tshi vusa vhafu, zwifhinga zwinzhi, a sa kundelwi, madokotela a tshi lingulula u sumbedza.

Sa tsumbo, ngei Connecticut zwa zwenezwino, muṭanganoni, ro dzula holoni khulwane, ya kale...ya luñwe lushaka lu ñivheaho, ho vha hu na Dokotela Barton, dokotela wa Mukriste e kha pulatifomo na nne, dokotela wa mishonga. Huno ho vha hu na musadzi wavhuđi wa bvumo wa Mukriste, o nakaho, we a vha e musadzi o pfumaho. O vha o dzula hu no

tou nga kha tsha monde tshanga. Huno ndo vha ndo no vhidza muduba wa thabelo, huno nda dzhieila nzhele uyo musadzi nga khathihi fhedzi...

<sup>11</sup> Musi muñwe muthu, mbilu yawe i a ima... Ni nga vala mañó anú, fhedzi musi no tshenuwa u isa lufuni, musi mbilu yañu i tshi ima, zwa vhukuma khungulu dza mañó anú dzi humela murahu, huno tshipida tshitshena tsha ito lanú tshi sukumedzela nnđa. Huno ndo zwi dzhieila nzhele musi a tshi wa. Huno nga u tāvhanya vha vhidza dokotela wa mishonga, huno a mu gidimela u dzhia ndivhitho yawe, huno a dzinginyisa thoho yawe, a vhea zwanda zwawe khae, nđevhe yawe kha mbilu yawe. Huno a vha o tuwa. A wela fhasi, huno nwananyana wawe a tshi khou zhamba, zwe zwa thithisa muñangano. Nda ya phanda, ngauri ndo vha ndi si na ipfi la Murena u itela musadzi. Huno nda ya phanda.

<sup>12</sup> Vho amba tshiñwe tshithu nga ha u wana Mukomana Branham. Huno vha ri, "A ri ḥodi u mu vhidza mudubani wa thabelo, ngauri u fhasi ha vhuṭalukanyi." Huno vha ri, "Wanani Branham muñuku," uyo o vha e Billy. Huno Billy, ngauri ho vha hu musadzi o faho, ho ngo ḥoda u ralo.

<sup>13</sup> Inwi ni a ñivha, vhatu vha vha na khumbulelo nga ha muñwe muthu o faho. Itsho, itsho ndi—itsho ndi gwati fhedzi. A hu na tshithu heneffho. Izwo, vhatu vha elekanya nga ndila i mangadzaho. Izwo, uyo muthu haho heneffho, ene muñe; o no sudzuluwa. Huno ngauralo o vha a tshi ofha u—u tshimbila u mona na musadzi, ngauri o vha o fa.

<sup>14</sup> Huno zwenezwo nga u tāvhanya Muya Mukhethwa wa amba na nñe. Nda rembuluwa fhethu, nda tshimbila fhasi tshiñepisini, nda da afho he a vha e hone. Huno ndi tshi kha ñi bvou thoma u ya he a vha e hone, Muya Mukhethwa wa amba na nñe; huno nda ri, "Mary!"

<sup>15</sup> A ri, "Ee, Mukomana Branham." O vha o luga tshothe. Nahone—nahone o vha a sa athu ri vhona u rangani na kathihi. Huno ho vha hu lwa u thoma muñanganoni.

<sup>16</sup> Zwenezwo ngei Shawano zwa zwenezwino, oo, ndi do ri, kha miñwaha ya u fhedzisela, i no todou swika, miña yo fhiraho, kana miñanu, ndo vha ndi tshi khou amba vhuñwe vhusiku fhethu ha zwiñhavhani. Huno ho vha hu na gogo lihulwane la vhatu. Huno munna wa mualuwa wa miñwaha ya fumalo, ndi a humbulela, na mufumakadzi wawe o nakaho, vho vha vhe vha Luñere nga lutendo, vha tshi ya heneffho kha itsho tshividzo tsha Luñere tshihulwane tshi ñivheaho. Ndi hangwa dzina latsho zwino. Ndi khuvhangano khulwanesa ya Luñere kha la Amerika, kha khuvhangano nthihi fhedzi, ya vhurado ha tshividzo. Huno ndi shango lihulwane kha Muñutere. Huno musi ndo vha ndi tshi khou amba, nda dzhieila nzhele uyo muthu, thoho i tshi ya murahu

nga ndila *iyo*; huno zwanda zwawe zwa bvela nn̄da, huno a yela phanda, o fa tshiduloni. Huno mufumakadzi wawe a thoma u zhamba, huno a zhambesa, “Muñwe muthu kha nthuse! Muñwe muthu kha nthuse!”

<sup>17</sup> Huno nda sedza. Nda ri, “Muñwe na muñwe kha vhe o dzula, ni fhumule.” Ni a vhona? Ndo lindela Murena uri a mphe ipfi. Huno—huno ndi...Sathane...Ndo vha ndi tshi khou ḥodou ita mbidzo ya alitari, huno izwo zwi tou vha musi a tshi ḥodou disumbedza.

<sup>18</sup> Ngauralo no no vhuya na dzhiela nzhele musi ni tshi thoma u ita mbidzo ya alitari, na vhushie vhūtuku vhu do thoma u zhamba, na zwithu zwo raloho? Uyo ndi Sathane. Vhoinwi ni re vha myua ni a pfectesesa.

<sup>19</sup> Ngauralo Murena o nñea dzina Jawe, huno nda mu vhidza, huno a ña vhutshiloni nga ndila *iyo*.

<sup>20</sup> Huno matsheloni ano musi ndo vha ndi tshi khou rembuluwa, ni a vhona, huno ndo vhona, zwifhinga zwinzhi, Murena Yesu u vhuisa vhafu. Lushie luñuku ngei Mexico lwo fa nga awara ya ṭahe nga ayo matsheloni, huno izwi zwo vha zwi vhukati ha ya fumi na ya vhufuminthihi vhusiku uvho lu tshi dovha lwa tshila. Huno—huno uvho ndi vhūtanzi ha vhukumakuma vhu na vhūtanzi ha dokotela halwo, ni a vhona, ha uri lushie lwo fa ofisini yawe nga awara ya ṭahe nñha ha tshithoma nga ayo matsheloni. Ndi elekanya uri ho vha hu nyumonia. Huno lushie lu khou tshila ñamusi, u ya nga hune nda ñivha. Huno izwo zwo vha zwi u rangani, yawee, nñenne, vhathu vha zwigidi zwa furaru, zwa fuña.

<sup>21</sup> Huno zwenezwo matsheloni ano ndo vhona Mukomana Way washu, musi o vha a tshi khou dzula, o vha o dzula henehafha zwino. Fhedzi musi o vha a tshi khou dzula henehafha ngomu *hafha* hunwe fhethu, o vha o ima. Huno riñe ro vha ri tshi khou imba, nahone, “Vhugala, vhugala, hañeuya,” huno ri tshi khou khañana. Nda mu dzhiela nzhele musi lu tshi mu rwa, huno thoho yawe ya humela murahu. Ene, Mukomana Way, ho ngo nekedzelwa kha zwithu vhunga tshiñwe tshithu vhunga tsha u dzidzivhala kana u tshimbila nga iyo ndila. Huno, ene, ndo mu vhona a tshi wela murahu. Huno nda vhona mufumakadzi wawe, ane a vha muongi o ñwaliswaho, a tshi tola ndivhithe yawe. Huno a zhamba; a vha a si tsheetheo.

<sup>22</sup> Huno—huno zwenezwo ndi tenda uri ho vha hu Khaladzi Nash, mufumakadzi hafha, khaladzi wa mukhañadi a no ña tshivhidzoni, vhañwe vhavho vha thoma u gidimela phanda. Huno zwino vhone, Vho-Mme Way, vha dzulela u nkhovhelela uri ndi de pulatifomoni. Huno nda ri, “Muñwe na muñwe kha fhumule, ivhani no dzula tshidzuloni tshanu.” Na kathihi ni songo nyanyulea kha idzo tshakha dza zwifhinga. Ni a vhona? Izwo ndi zwone zwine Sathane a ḥoda u ita. Itonu lindela huno

ni vhone zwine A amba. Arali hu muñwe muthu a no khou ya Vhugalani, zwo luga, ri tea u ḥuwa tshiñwe tshifhinga, a hu na fhethu ha khwine u fhira tshivhidzoni, ngauralo—ngauralo zwenezwo heneffo nduni ya Murena. Ngauralo zwenezwo...

Fhedzi munna o vha a tshi khou vhuya. Nda elekanya uri khamusi tshiñwe tshithu tsho vha, o dzidzivhala kana tshiñwe tshithu tsho bvelela khae, nga uyo mukhwa. Fhedzi musi ndi tshi sedza, huno thoho yawe yo rembuluwa nga *iyi* ndila, nahone ndi tshi vhone nga ngomu, tshipida tsha fhasi tsha maño awe, tsho sukumedzelwa nnda. Inwi ni nga si kone u vala, ni nga si vhee maño aŋu kha iyo nyimele; ndi u ima ha mbilu hu no ita hezwo. Huno nda buda *itshi*, huno a... Ho vha hu na muñwe, muthu wa vhulenda, o vheaho... tshiñwe tshithu tsha u siamedza thoho yawe. Huno heneffo ho vha hu na milenzhe yawe, zwanda, na tshiñwe na tshiñwe, tsho vhamba. Ya ima. Tshifhauwo tshawe tsho vha tsho swifhala sa badzhi yanga, ya vhutswu ho tswukaho, huno maño awe o humela murahu. Huno ndi a ñivha vhulwadze ha mbilu. Ndi a zwi ñivha zwine vha ita na ndila ine vha rembuluwa; nnyi na nnyi-vho we a vhuya a zwi vhone. Ngauralo nda vhea tshanda tshanga kha ndivhitho yawe, huno ho vha hu si tshe na ndivhitho u fhira ine ya vha kha iyi desike. [Mukomana Branham u khokhonya kha phuluphithi ya thanda—Mudz.] A hu na tshithu. Ngoyu mufumakadzi wawe, muongi o ñwaliswaho, we a ḥola ndivhitho yawe. Ho vha hu si na ndivhitho heneffo.

<sup>23</sup> Zwenezwo, liñwe ñuvha musi ndo vha ndi na Mukomana Way kha vhutalukanyi ngomu hafha, nda vhone uri o vha e na mbilu i ñununaho, naho zwo ralo. Ngauralo zwenezwo nda elekanya, “Uvhu ndi hone.” Ngauralo nda vhea zwanda zwanga khae. Nda ri, “Mudzimu a funwaho, ndi a vhidza, nga Dzina la Yesu Kristo, muya wa mukomana wanga, vhutshilo hawe murahu hafhu.” Huno Murena Jehovah u a ñivha, na Bivhili Yawe i hafha phanda hanga, yo pfa nga u tou ralo, musi tshanda tshanga tsho vha tshi kha ndivhitho yawe... Huno vhunga ndi tshi zwi ñivha uri ndi do zwi fhindulela izwi nga Ñuvha la Khathulo arali zwa vha zwo khakhea. Huno tsho pfa unga ndivhitho yawe i divhitha luna kana luñanu, nga u ḥavhanya, ya ya, bommba, bommba, bommba, bommba, bommba; huno zwenezwo ya thoma, i tshi ya, bommba, bommba, bommba, bommba.

<sup>24</sup> Huno o vha a tshi khou lingedza u vula mulomo wawe uri a ambe tshiñwe tshithu kha nñe. Huno a tshi khou lingedza u ita uri mulomo wawe, nahone a tshi khou xaxadza, u tou nga, u lingedza u tshi amba. Huno a bvisa maipfi, “Mukomana Branham.” Zwenezwo zwa vhonala unga u do humela murahu u yo edela kana tshiñwe tshithu, huno nda lindela lwa tshifhinganyana hafhu, nda ḥola ndivhitho yawe hafhu; yo vha i tshi khou divhitha sa misi. Huno zwenezwo nda sedza

hafhu, huno a ntsedza. Huno o vha a tshi tou nga, nda vhona, o ḥangana thoho; ho ngo ḫivha he a vha e hone, fhedzi mbilu yawe i tshi divhitha sa misi. Huno Mudzimu o vhidza murahu vhutshilo hawe khae hafhu.

<sup>25</sup> Ngauralo ndi—ndi amba izwo ndi tshi hulisa Yesu Kristo, Ane A vha Mudzimu a sa shanduki, uri musi... Matsheloni ano ndo rera tshifhinga tshilapfu, nga kule u fhira tshifhinga tshanga, nahone ndo kulea nungo na u neta. Huno hu nga vha ho vha na zwithu zwivhili. A nga di vha o kulea nungo, kana musi ndi tshi amba nga ha u vha na vhudinyadzi, hu si u—u tou itela mukomana wanga vhuada, vhunga ro vha ri tshi nga zwi amba, ngauri ndo vha ndo no... Ndo vha ndi tshi khou ḫibula u vha hanga na vhudinyadzi. Huno ndi a humbulela arali ndo vha ndi tshi do vhudzisa madekwana a ḥamusi, kha vhathe avha vha re vhathetshelesi, “Naa ndi vhangana ngomu hafha vhane na zwi ḫivha uri ni na vhudinyadzi?” kaṭukuṭuku tshanda tshiñwe na tshiñwe tshi do ya n̄ha. Uri ni kone u ḫivha, Mukomana Way, itonu ntendela u ni sumbedza uri kana ndi vhuṭalukanyi kana hai. Naa ndi vhangana vha no zwi ḫivha uri vha na vhudinyadzi, imisani tshanda tshañu. Sedzani hangei! Ni a vhona? Fhedzi a—a thi ḫivhi arali iļo dzhenuwo langa la u vhudza Mukomana Way hezwo, a tshi khou zwi dzhia vhunga ndi nga di vha ndi tshi khou mu kaidza kana tshiñwe tshithu, zwenezwo, lwe a wela kha iyi nyimele, huno Murena Yesu a mu vhuisa.

<sup>26</sup> Zwino ndi—ndi nne...elekanya uri Mudzimu a sa shanduki we Paulo Mukhethwa muhulwane a mu imela mađuvhani awe, zwe musi o rera tshifhinga tshilapfu vhuñwe vhusiku, huno munna a wa huno vhutshilo hawe ha bva khae; huno Paulo, a tshi ya kha uyo munna, nga tshilidzi tsha Mudzimu, a fhindula vhathetshelesi, “Vhutshilo hawe vhu ngomu hawe.” Ndi—ndi elekanya uri zwi a ri sumbedza, kana arali ni sa athu zwi vhona na kathihi u rangani, uri Yesu Kristo ndi a sa shanduki mulovha, ḥamusi, na lini na lini.

<sup>27</sup> Huno zwenezwo zwi nga di vha zwo vha hezwi, zwauri ndo lingedza u elekanya nga hazwo masiari ano. Uri, ndo ima hafha, huno nga mbilu yanga yothe nda ni vhudza Ngoho kokotolo, huno nda ni vhudza nga ha vhudinyadzi hanga, huno nda ḫibula zwi khagala, ngauri...huno nda ni humbela u rabela uri muthu wanga wa nga ngomu u do shandukiswa kha vhathe, uri ndi kone u ita sa Murena o ita. Nahone u khwaṭhiseda uri U kha di do nthumela tsimuni, U tendela izwo u bvelela u sumbedza uri U kha di fhodza vhalwadze nahone a nga kona u vusa vhafu, a nga kona u vusa vhafu. Huno ndi elekanya uri zwo vha zwi sa fhiri khwaṭhiseda ya zwe nda vha ndi tshi khou rera nga hazwo, nahone ndo vha ndi tshi khou ḥanziela nga ha Muvhuso wa Mudzimu. Huno itsho

ndi tshiñwe tshithu tshi kwamaho zwe A vha a tshi kha ñi bva u zwi vhudza Mukomana Roberson henengei, na muñwe wa vharathu. Zwino ri Mu funela hezwo.

<sup>28</sup> Huno riñe ri a livhuwa madekwana a ñamusi uri Mukomana Way u na riñe madekwana a ñamusi. Huno nga ngoho Mudzimu ha athu vuledza nga mukomana washu, kana o vha a tshi ðo vha o ñuwa matsheloni ano. Hu na tshiñwe tshithu tshine Mukomana Way a tea u tshi ita. Huno ndi ñoda ni tshi ðivha, Mukomana Way, uri itshi tshivhidzo tshoñhe, tshi na nne, tshi ðo vha tshi tshi khou rabela uri Mudzimu u ðo ni sumbedza puñane Yawe ya vhutshilo hanu na ha mufumakadzi wañu; huno, zwenezwo zwe no bvelela, u ðo ni vhea ngomu heneffho. Ndi na ngoho ya uri U ðo zwi ita, Mukomana Way. Huno riñe roñhe, sa Vhakriste, ri ðo livhuwa nga ñthani ha Mukomana Way. Naa izwo ndi zwone, tshivhidzo? [Tshivhidzo tshi ri, “Amene.”—Mudz.] Huno ri ðo rabela uri ene na Khaladzi Way vha ðo wana fhethu havho Murenani, u itela tshumelo yavho vhutshiloni.

<sup>29</sup> Zwino, nahone, ndo ñoda u amba na Mukomana Way. Ndi ña hu tshee nga u ñavhanya uri ndi kone u amba nae huno nda wana fhedzi kuhumbulele kwawe, kana zwe zwa bvelela. Huno ha zwi ðivhi. Ni a vhona, wo tou bva, huno a tou wa nahone a ñuwa. Ndi zwenezwo fhedzi.

Mukomana Way o vha a tshi ñoda huno a vhudzisa arali hu na nnyi na nnyi ngomu tshifhañtoni a no khou tsela ngei Arkansas, nga Lávhuvhili kana musi ni tshi khou ya, kha—kha uyu muñangano. Zwino, khañwe ndi—ndi muñangano muñuku nga maända. Ndi dzangano la vhuthihi li no ñangana. Huno ndi elekanya uri ndi ñtha kha luñwe lushaka lwa ðaka, kana tshiñwe tshithu-vho, ñtha-ñtha. Huno heneffho hu na khonadzeo ya uri a hu nga vhi na vhatu vhanzhisa lini, ndi—ndi a humbulela, kha muñangano, ngauri, zwi khagala, a vha vhuyi vha zwi ðivha uri ndi khou ða, u swika zwino. Ni a vhona? Huno ngauralo khonani dzanga henengei, hu na khonadzeo ya uri hu do fhela vhusiku kana vhuvhili vha sa athu zwi ðivha, na khonani dzanga ngei Arkansas, dzi no nnñdivha ngeyo ngomu heneffho, dzi ðo vha muñanganoni. Fhedzi arali nnyi na nnyi a tshi khou ya, huno a tshi ðo vha na lufhera lwa u tendela muñwe a tshi namela nae, Mukomana Way u ðo takalela u zwi ita. O amba zwa u ita ñðivhadzø ya uri a nga si vhe muhwalo kha vhatu, u mu londa musi a tshi ðo vha e henengei, ngauri o vha a tshi nga zwi kona. Fhedzi ene, arali muñwe o vha a tshi khou ya, zwe vha zwi tshi ðo vha tshiga khae tsha uri Mudzimu u ðo mu funela, kana zwi ðo vha kha—vha kha lufuno lwa Mudzimu uri ene a tsele henengei. Ngauralo noñhe ni a mu ðivha Mukomana Way, o dzulaho hafha khudani. Huno arali nnyi na nnyi a tshi ðo ñoda u ralo, a no khou ya henengei, nahone e na lufhera lwa muñwe munameli, u ðo takalela u zwi ita.

<sup>30</sup> Huno zwenezwo vhusiku ha Swondaha i tevhelaho, Murena a tshi funa, ndi do—ndi do vhuya, kana nga matsheloni a Swondaha i tevhelaho, kha ndi ralo. Huno—huno arali Murathu Neville e na tshikolo tsha Swondaha, nahone musi tsho no bva, ndi ḥoda u ita iñwe theiphi arali ndi tshi nga kona. Huno arali ndi sa khakhi, ndi elekanya uri ndi do vha ndi tshi khou amba nga ha *Naa Vhutshilo Hanu...Naa Vhutshilo Hanu Ho Tea Mafhungo-madifha?* Iyo, iyo ndi yone, kana, *Naa mufumakadzi Wanu...Vhutshilo Ho Tea Mafhungo-madifha?* Izwo ndi zwine nda khou amba zwone. *Naa Vhutshilo Hanu Ho Tea Mafhungo-madifha?* Huno ndi ḥoda u ita theiphi nga ha heyo, arali Murena a tshi funa.

<sup>31</sup> Huno zwino, madekwana a ḥamusi, ndo divhadza ḥamusi uri ndi khou yo ita theiphi. Huno mufunzi, a thi elekanyi uri o vhuya a rera; o tou mmbidzela nn̄da, nahone uri ndi ambe hafha kha pulatifomo. Zwino, zwenezwo a thi divhi... Zwino, arali vha tshi khou ita dzitheiphi, arali ni tshi vhona ni tshi kulea nungo kana tshiñwe tshithu, ni tshi tama u bva, itonu fhumula u ya nga hune zwa konadzea, ngauri a ri... Ni a vhona, idzi—idzi khudzaipfi dzi a tata nga maanda, nga maanda, huno dzi doba phosho ḥukhu. Huno ri khou ita, ri tshi khou lingeda u itela mushumo wa dzitshakha idzi theiphi.

<sup>32</sup> Huno madekwana a ḥamusi ndi tama u divhadza ḥoho yanga sa...nga murahu ha musi ndo—ndo vhala Ipfi la Mudzimu, li wanalahlo kha Mafhungo-madifha a Mateo Mukhethwa, ndima ya vhu24. Ya Mafhungo-madifha u ya nga Mateo Mukhethwa, ndima ya vhu24, huno kha ri thome zwino kha ndimana ya vhu32 huno ri vhale Luñwalo.

*Zwino gudani tshifanyiso tsha muhuyu; Musi ili davhi li—li tshi kha di vha litete, huno li tshi medza maṭari, ni a zwi divha uri tshilimo tshi tsini:*

*Ngauralo na inwi, musi ni tshi do vhona izwi zwithu zweṭhe, ni a zwi divha uri tshi tsini, nahone kha muqango.*

*Ngoho Ndi ri kha inwi, Uyu murafho u nga si fhire, u swika izwi zwithu zweṭhe zwi tshi do khunyelela.*

*Maṭadulu na liphasi zwi do lovha, fhedzi maipfi anga a nga si lovhe.*

*Fhedzi nga ha ḥone duvha na nga ha yone awara a hu na muthu a zwi divhaho, hai, hu si vharuñwa vha tadulu, fhedzi ene Khotsi fhedzi.*

*Fhedzi sa zwe maduvha a Noaxe a vha e zwone, zwi do ralo kha u ḫa ha Murwa-muthu.*

<sup>33</sup> Zwino kha u vhala hashu, ri wana madekwana a ḥamusi, musi ri tshi vhala, uri tshipida tsha u thoma tsha iyi ndima tshi vhalea uri vhafunziwa vho Mu vhidzela thungo kha thavha,

thavha, huno vha ri Khae, “Naa tshiga tsha vhufhelo ha shango tshi do vha mini? Naa tshiga tsha U Da Hau tshi do vha mini? Nahone ndi lini hune ha do da tshifhinga tshine ha sa do vha na tombo na lithihi lo salaho nthā ha linwe, kha thembele?” Zwino U ya u fhindula. Vhonani hafha kha ndimana ya 1.

...Yesu a bva, huno a tuwa thembeleni: huno vhafunziwa vhawe vha da khae...u mu sumbedza tshifhaṭo, tsha thembele.

*Huno Yesu a ri khavho, A ni vholi izwi zwithu zwoṭhe? ngoho Ndi a ni vhudza, A hu nga sali na tombo na lithihi kha linwe hafha, line li sa do poselwa phasi.*

Huno mufunziwa wawe...*Huno musi a tshi dzula kha thavha... (ni mpfarele)... musi a tshi dzula kha thavha ya Mitwari, vhafunziwa vha da khae nga ndila ya tshidzumbe, vha ri, Ri vhudze, uri izwi zwithu zwi do vha lini? nahone tshiga tsha u da hau tshi do vha tshifhio, na tsha vhufhelo ha shango?*

<sup>34</sup> Ni a vhona, vho vhudzisa mbudziso tharu, huno U fhindula mbudziso tharu. “Naa ndi lini hune ha do da tshifhinga tshine ha sa do vha na tombo na lithihi lo salaho nthā ha linwe? Naa tshiga tsha U Da Hau ndi mini? Huno mini-ha nga ha vhufhelo ha shango?” Huno vhanzhi, ndi a tenda, uri rinje vharathu ri ita khakho nga u lingedza u zwi shumisa zwoṭhe kha U Da Hawe. Fhedzi U khou fhindula mbudziso tharu dzo fhambanaho dze A vhudziswa dzone. “Ndi ngani hu tshi do vha na tshifhinga tshine ha sa do vha na lithihi la aya matombo lo salaho li nthā ha linwe; naa itshi tshithu tshi do vha lini? Huno tshiga tsha U Da Hau tshi do vha mini? Nahone hu do vha na mini vhufheloni ha shango?” Ni a vhona, mbudziso tharu dzo fhambanaho. Huno U thoma nga u fhindula nthihi, nga ha musi “matombo a tshi do siiwa hu si na lithihi kha linwe.” Huno zwenezwo nga murahu ha musi A tshi vuledza iyo mbudziso, zwenezwo U a thoma, “tshiga tsha U Da Hawe.” Huno zwenezwo a dzhena kha, “vhufhelo ha shango.”

<sup>35</sup> Zwino ri dzhiela nzhele hafha tshiñwe tsha zwithu zwine nda tama u amba nga hazwo madekwana a namusi, ndi... *Tshedza Tshitswuku Tshi Taidzaho Tsha Tshiga Tsha U Da Hawe.* Huno ri khou yo dzedza madekwana a namusi kha maduvha a Noaxe, “Zwi do ralo kha u da ha Murwa-muthu.” Huno zwino ili lo nthwa linwe duvha, huno nda elekanya uri khamusi ndi do lingedza u theipha izwi huno nda amba nga ha izwi. Huno nda nwala phasi Mañwalo o vhalaho hafha ane nda do takalela u amba nga hao, khamusi, huno—huno nda vhalo, nga zwitukuṭuku.

<sup>36</sup> Fhedzi zwino Murena Yesu washu o vhudziswa iyi mbudziso, huno A vha nea tshiga tsha U Da Hawe. Huno zwenezwo nga

u tāvhanya A amba izwi, “Maṭadulu na lifhasi zwi do lovha, fhedzi Ipfi Langa a li nga lovhi.” Huno zwenezwo A ri, “Gudani tshifanyiso tsha muhuyu. Musi u tshi bveledza matavhi awo, ni a ḋivha uri tshilimo tshi tsini. Ngauralo musi ni tshi vhona izwi zwithu zwi tshi khou khunyelela, kana zwi tshi vhonadzwa, ḋivhani uri tshifhinga tsho sendela. Huno uyu murafho u nga si do fheliswa u swika izwi zwithu zweṭhe zwi tshi do khunyelela.” Murafho-de? Murafho u no khou vhona u humela murahu hune ra khou yo amba nga haho madekwana a ḥamusi.

<sup>37</sup> Ngauralo musi ri tshi elekanya nga ha liñwalwa ḥanga, sa tshedza tshitswuku tshi taidzaho tsha U Da Hawe, zwi nkhumbudza u lindela tshītshini tsha ndila ya reila, nga ha musi munna kana vhathu vha tshi ima, vhunga vhanzhi vhashu ro no ralo, musi ro vha ro lindela u fara tshidimela. Huno a ri koni u pfa tshidimela, kana a ni tshi vhoni, fhedzi ni a ḋivha uri ndi-ndi tshifhinga. Khamusi murumeli u ri, “Tsho lenga zwi-zwiṭuku. A tshi tshifhingani kokotolo, fhedzi a ri ḋivhi uri lini, fhedzi tshi do swika hu si kale.” Huno ri do tshimbila u mona hoṭhe tshītshini, zwanda zwashu zwi zwikwamani zwashu, huno ro dzula n̄ha ha phuthumennde dzashu, huno ra bva huno ra renga saga ya dzinq̄hu, nahone ra amba na... muñwe muthu seli ha tshīṭaraṭa. Fhedzi khathihi fhedzi ri vhona tshiñwe tshithu tshi tshi bvelela. Hu na phosho i no itea nn̄da tshiporoni. Huno musi ro ita, tshanḍa tshi tsela fhasi, huno tshedza tshitswuku tshi thoma u taidza. Naa ndi mini itsho? Tshidimela tshi dzibulokoni. Naho ni sa koni u tshi pfa, naho ni sa koni u tshi vhona, fhedzi nangwe zwo ralo itsho tshedza tshitswuku tshi taidzaho na itsho tshanḍa tshi re fhasi zwi sumbedza uri tshi khou dzhena. Huno zwenezwo arali ni tshi khou lavhelela u ṭuwa nga itsho tshidimela, ndi khwine ni tshi posela iyo saga ya dzinduhu fhasi, na ima kha u amba hanu, na takula phuthumennde ḫaṇu, huno na dilugisa kana ni do siiwa, ngauri tshi khou tou ima henefho tsini lwa zwifhinganyana zwi si gathi fhedzi. Tshi do vha tsho tuwa. Arali ni tshi kha di imela u amba, mudzulatsini seli ha tshīṭaraṭa, ni do siiwa.

<sup>38</sup> Ndi zwingafhani, zwenezwo, musi ri tshi vhona ngafhadzo i taidzaho ya uri U dzibulokoni! Tshidimela tsha Mafhungo-madifha tsha kale tshi khou fhira, hu si kale. Huno musi ri tshi khou guda madekwana a ḥamusi nga ha ili liñwalwa lihulwane, ngafhadzo i taidzaho, musi Murena washu o dzula n̄ha ha thavha huno a vha vhudza uri izwi zwithu zwi do itea, “Sa zwe zwa vha zwi zwone mađuvhani a Noaxe, zwi do ralo kha u da ha Murwa-muthu.”

<sup>39</sup> Zwino ri ḫodou humela murahu, u itela tshipiḍa tshīṭuku, huno ra wanūluṣa arali ri tshi nga wana tshiñwe tshithu kha lino ḫuvha li no fanyisa mađuvha a Noaxe. Huno zwenezwo ri nga amba-ha hune ra vha hone nga ilo ḫuvha le Murena washu a amba nga halo, ra vhona arali ri tshi nga tou wana inwe

fanyo-vho ya maduvha a Noaxe. Uri ri ite izwi, ndi elekanya uri ri fanela u humela murahu kha Bugu ya Genesi, kha mađuvha a Noaxe. Huno arali ni tshi do vula na nne, arali ni tshi do ralo, Luñwaloni, murahu kha Genesi ndima ya vhu6, huno ayo ndi mađuvha a muđalo, huno mikhwa yavhudì na nyimele dza ilo đuvha, Genesi ndima ya vhu6. Zwino, ri ḥodou vhala, u vhona nahone ra vhambedza ilo đuvha na iļi đuvha. Īzhielani nzhele.

*Huno zwo da zwa khunyelela, musi vhatu vha tshi  
thoma u anda kha tshifhađuwo tsha liphasi, . . .*

<sup>40</sup> Ipfi lenelo la u thoma li ri ɻea tshedza tshi taidzaho lwo fhelelaho uri đuvha lo sendela, ngauri na kathihi a hu athu vha na tshifhinga kha đivhazwakale yothe he ha vhuya ha vha na vhatu vhanzhi nga maandà, nahone vha tshi khou anda nga u t̄avhanya nga maandà, sa zwine ra vha navho ɻamusi, u swika zwi tshi konda u wana fhethu ha u dzula. Huno vhatu vhanzhi nga maandà vha tshi khou anda kha liphasi, u swika saints i tshi amba, zwauri, “Arali la isa phanđa na u anda sa zwe la vha li zwone, nga minwaha ya fumbili a hu nga vhi ha vha na zwiliwa zwa vhatu kha liphasi.” *Reader’s Digest*, ndi tenda uri yo vha i yone, ye ya redza izwo, zwauri, “A hu nga vhi ha vha na zwiliwa zwa vhatu vhane vha khou anda nga u t̄avhanya nga maandà.”

<sup>41</sup> Ri nga sedza u mona hothe huno ra vhona uri mafhethu e a vha a tshi anzela u vha soga o no shanduka đorobo, huno nangwe zwo ralo vhuteamuđa vhu khou iteswa zwiħulwanesa u fhira zwe ya vhuya ya vha zwone. Ndi tenda uri zwo ambiwa nga ha Chicago. . . Ndi a fhulufhela uri a thi khou balelwa u redza idzi sifhere. Fhedzi tsumbo dzo īwaliswaho zwa vhukuma, tsumbo dza vhuthuthathumbu dza zwigidi zwa furaru maduvha a mahumi mađanu na lithihi mañwe na mañwe, ngei Chicago. Tsumbo dza vhuthuthathumbu kha mađuvha a mahumi mađanu na lithihi mañwe na mañwe, dzo īwaliswaho! Hani-ha nga ha avho vha songo īwaliswaho na kathihi? Ni a vhona, kha muđi muthihi muhulu fhedzi wa vhatu vha milioni nña! Mini-ha nga ha shango? Huno nangwe zwo ralo vhatu vho vhuthanesa u swika vha sa koni na u londa. . .

<sup>42</sup> India, vha khou lingedza u vha. . . u ita uri tshipiđa tsha muthu tsha munna tshi thithisee, huno vha vha ita uri vha thenee, uri vhana vha si kone u bebiwa, ngauri vha—vha kha muengedzo nga maandà. Milioni dza mađana maña na mahumi mađanu na mavhili, nga tshino tshifhinga, ngei India.

<sup>43</sup> Hani-ha nga ha China, hune muengedzo wa vha muhulwane, Rashia na mashango manzhi a shango? “Musi vhatu vha tshi thoma u anda kha tshifhađuwo tsha liphasi.” Ni a vhona? Zwino ri khou humisela murahu kha tshifhinga tsha phanda ha muđalo.

. . . huno vha bebelwa vhananyana,

Huno vharwa vha Mudzimu vha vhona vhananyana vha vhathu vhe vhavhudzi; huno vha didzhiela vhafumakadzi...vhothe vhe vha vha nanga.

Huno MURENA a ri, Muya Wanga u nga si lwe na muthu tshifhinga tshothe, ngauri ene nahone e nama: nangwe zwo ralo maduvha awe a do vha a miñwaha ya—ya dana na mahumi mavhili.

Huno ho vha hu na miswonda kha shango mađuvhani ayo; huno nahone nga murahu havho... vharwa vha Mudzimu vho da...kha vhananyana vha vhathu, huno vha vha bebela vhana, huno vhenevho vhathihi vho vha vhathu vha maanda vhe vha vha vhe vha kale,...vha divheaho.

<sup>44</sup> Oo, ri na tho—thoho-de hafha nandi! Ni a vhona? Zwino, tshiñwe tsha zwithu zwa û thoma tshire nda ḥoda ni tshi tshi dzhiela nzhele, ndi tsha uri vha—vharwa vha Mudzimu vho vhona vhananyana vha vhathu, uri vho vha vhe vhavhudzi. Zwino a thi...Ndi sumba izwi kha shango lothe. Fhedzi na kathihi ho ngo vha na tshifhinga kha lifhasi, vhunga ndi tshi nga elekanya, tshifhinga itsho fhedzi, he ha vhuya ha vha na lu—lunako lwa holosele lwo raloho kha vhasadzi.

<sup>45</sup> Huno ni nga kona u elelwa, vhaiñwe vha vhoiñwi vhasadzi vho aluwaho, na vhaiñwe vha vhoiñwi vhathu, munna, vhane ni nga elelwa murahu kha miñwaha yo fhiraho, uri no vha ni sa anzeli u wana musadzi o nakaho. Fhedzi ñamusi a ni wani muñwe-vho nga nda ha o nakaho. Ndi ngauri vho da fhethu ha izwi zweño zwa u fhungudzela mavhudzi avho, na zwidolo, na—na tshakha dzothe dza zwiambaro zwa vhudzekani na zwithu. Vha a kona u disumbedza nga ndila yo raloho. Huno zwenezwo ndi, tshiñwe tshithu, tshanda tsha tshifhinga tsho tshi humisela murahu, u ya nga Luñwalo. Huno vhasadzi vha kha muengedzo vha sa fhidzi wa u vha vho nakaho.

<sup>46</sup> Ndi kona u elelwa musi ndo vha ndi mutukanyana tshikoloni, huno nda rembuluwa huno nda sedza vhana vhañku ñamusi, vhasidzanyana vha no khou da. Huno ndi kona u sedza, nda elekanya nga ha vhasadzi musi ndi tshee muthannga, huno nda sedza vhasidzana ñamusi. Ndi a elelwa uri ho vha hu tshi vha na musidzana a takalelwaho muthihi, huno izwo a zwo ngo vha hone kha miñwaha i fhiraho ya mahumi mavhili na miñanu, musidzana muthihi a takalelwaho, musidzana o nakaho, huno zwavhudivhuđi mutukana muñwe na muñwe o vha a tshi ḥoda u tshimbila na uyu musidzana, nge a vha e khosikadzi ya—ya tshigwada. Khamusi kha ñorobo yothe, ho vha hu tshi vha na vhavhili kana vhararu vha avho vhasadzi. Zwino tshithu tshothe tsho no naka, vhone vhothe. Izwo ndi zwa u khunyeledza Luñwalo, na tshedza tshitswuku tshi tshi khou taidza uri tshifhinga tsho sendela.

<sup>47</sup> Vho tumbukisa tshithu tsho raloho tshi no nga tshidodzamilomo na—na zwidolo, lune musadzi a si wavhudzi nga maanda, a nga kha di diita o nakaho nga—nga vhuari ha tshifhaṭuwo hoṭhe na zwi—zwithu zwine vha ita u diita vho nakaho.

<sup>48</sup> Max Factor u gidima masiari na vhusiku, huno hu rengeswa zwidolo lwo engedzeaho, kha la Amerika, nga ḥwaha, u ita vhasadzi uri vha nake, u fhira zwi rengeswaho kha vhengele la gurosari. Izwo ndi zwone. Ndi a hangwa uri ndi dolara dza bilioni nngana dzi no renga zwidolo ḥwaha muńwe na muńwe, u ita uri vhasadzi vhashu vha vhe vhavhudzi.

<sup>49</sup> Zwino, a thi khou amba tshithu ndi tshi lwa na hezwo, ndi khou tou ni sumbedza uri ndi u taidza ha tshedza tshitswuku tsha uri tshifhinga tsho sendela. Ngauri Yesu o amba, Ene mune, “Sa zwe zwa vha zwi zwone mađuvhani a Noaxe, zwi do ralo kha u da ha Murwa-muthu.” Ni a vhona, zwenezwo zwithihi.

<sup>50</sup> Huno dzhielani nzhele, “Musi vhathu vha tshi thoma u anda, vhathu vhanzhi. Vhananyana vha vhathu vho vha vhe vhavhudzi; huno vharwa vha Mudzimu vha vha sedza, huno vha vha dzhia sa vhaftumakadzi.” Zwino, uho a si u amba ha nne muńe. Ndi khou zwi vhala kha Bivhili, he Yesu a amba uri rińe ri tea u humela murahu kha Genesi huno ra vhambedza aya mađuvha othe. U anda ha vhathu, na lunako lwa vhasadzi, zwino uho ndi tshiga tshihulwane.

<sup>51</sup> Zwino tsivhudzo, tsivhudzo ya Jehovah, ndimana ya vhu3.

*Huno MURENA a ri, . . .*

<sup>52</sup> Nga u ṭavhanya nga murahu ha musi izwi two no itea... Elelwani, Muya Mukhethwa wo ḥwala Bivhili, huno Yesu a newa maanda nga u dadzwa nga Muya Mukhethwa. Huno O amba fhedzi nga Muya Mukhethwa. Huno Mańwalo o ḥwalwa nga Muya Mukhethwa. Huno onoyo Muthihi We a ḥwala Genesi 6, o ri vhudza kha Mateo 24, u dińha musi tshifhinga tsho vha tsho no vha tsini, u humela murahu kha Genesi 6 huno ra dici vhambedza.

<sup>53</sup> U anda ha vhathu kha ḥifasi; huno nangwe two ralo hu na vhuteamuña ho raloho, na zwithu zweithe zwi no bvelela, zwi sa vhuiyi zwa hu tola. Hu khou bvelela nga ndila i fanaho, ngauri ri tshifhingani tsha vhufhelo.

<sup>54</sup> Huno zwenezwo dzhielani nzhele, nga u ṭavhanya hu tshi da tshifhinga tshe la amba uri vhasadzi vho vha vhe vhavhudzi nga maanda, vho naka nga maanda. Huno izwo ri zwi tola nga izwi huno ra kona u zwi sumbedza.

<sup>55</sup> Zwino, ndo vha ndi tshi khou sedza zwinwe zwifanyiso zwa tshifhingani tsha kale musi vhomakhulu washu, musi vha tshi budža midavhi. Huno ndi nga si vhidzelele dici—dzina la uyo musadzi, fhedzi dzina ḥawé lo vha li tshi dińhea u bva

San Francisco u ya—u ya Boston, la u vha musadzi wavhudisa shangoni. Pearl White, ndi a tenda, lo vha li dzina lawe, la miñwaha minzhi yo fhiraho. O vhulawa nga mufunwa wawe, Scott Jackson. Huno arali ni tshi do vhona tshifanyiso tsha uyo musadzi, tsha u vha mufumakadzi wavhudisa wa shango, no vha ni si nga koni u mu sedza. O vha a tshi do vhonala a tshi nga tshithu tsho aluwesaho hafha nnda tshiñarañani. Kañkuñuku muñwe musadzi-vho we na vha ni tshi nga mu fara nga inwe ndila-vho ine na ḥoda, o vha a tshi do vha o nakaho kararu u fhira ene, musadzi muñwe na muñwe-vho namusi ane ni nga mu fara a tshi tsa fhedzi nga tshiñarañani. Ni a vhona, ndi muengedzo, lunako lwa vhasadzi.

<sup>56</sup> Huno zwenezwo a thi ñivhi arali vhasadzi vhashu vha tshi zwi limuha izwi huno vha kona... . Izwo ndi ngazwo ndi tshi ḥoda iyi theiphi i tshi ḥuwa, uri—uri a no ngo fanela u vhea nga maanda... . Ri ḥoda ni tshi naka, fhedzi ri ḥoda ni tshi vha vha mupo. A ri ḥodi ni tshi vha a si wa vhukuma. Vhañwe vha avha vhasadzi vho nakaho, arali no vha ni tshi nga vha dipa bafuni la u ḥamba lwa tshifhinganyana huno na vha ḥambisa, vha nga vhonala vho fhambana zwituku, huno—huno na vha ambadza vhunga vha tshi tea u ambara. Fhedzi a vha—a vha—a vha zwi iti, huno ni nga si kone u vha vhudza zweo fhambanaho. Huno ri khou yo da kha hezwo nga murahu ha tshifhinganyana. Fhedzi itshi ndi u—u taidza ha tshedza tshitswuku.

<sup>57</sup> Huno elelwani, musi vhatu vha tshi thoma u anda kha liphasi, huno vhasadzi vha tshi vha vhavhudí, yo vha i iyo awara, ho vha hu nga itsho tshifhinga, tshe:

... *MURENA a ri, Muya Wanga u nga si lwe na muthu tshifhinga tshothe*,...

Ni a vhona kilatshi? Naa ni a vhona tshanđa tsha Mudzimu, “Muya Wanga”? Vhananyana vha vhanna vho vha vhe vhavhudí; huno vha didzhiela vhasadzi. Huno A amba, zwenezwo, “Muya Wanga u nga si lwe na muthu tshifhinga tshothe. Ndi do kovha mađuvha awe.”

Zwino ndimana ya vhu4:

Huno ho vha hu na miswonda kha liphasi mađuvhani ayo; na nga murahu ha ayo,... vharwa vha Mudzimu vho da... kha vhananyana vha vhatu, kana—kana vhananyana vha vhatu, huno vha vha bebela vhana kha—khavho, huno vhenevho vhatihi vha vha vhatu vha maandža vhe vha vha vhe vha kale,... vha ñivheaho.

<sup>58</sup> Naa no zwi dzhiela nzhele uri na kathihi a yo ngo amba tshithu nga ha mbingano? Dzhielani nzhele, “Vharwa vha Mudzimu vho da kha vhananyana vha vhatu,” a hu na tshithu nga ha mbingano. Huno arali na dzhenisa Tshigerika tsha vhubvo heneffo, ḥthalutshedzo ya ipfi, i ri, ndi nayo yo ñwalwa

hafha fhasi huńwe fhethu, ene “mufumakadzi.” “Vha didzhiela *vafumakadzi*,” kha ndimana ya vhu3, “vha didzhiela *vafumakadzi*.” Kha Tshigerika, ndo li sedza masiari ano, a tsho ngo ri, “Vha didzhiela *vafumakadzi*.” Tsho ri, “Vho didzhiela *vhasadzi*,” hu si vafumakadzi. Zwino inwi li ḥoleni nga yanu—nga yanu...yone Emphatic Diaglott, huno ni sedze arali izwo zwi si ngoho.

<sup>59</sup> “Vha didzhiela *vhasadzi*,” hu si vafumakadzi. Vho vha dzhia vha tshi tou vha, vafunwa vho vhofholowaho, vhunga ri navho ḥamusi. Nga mańwe maipfi, vho vha vhe vafunwa nga iļo ḫuvha sa zwine vha vha zwone zwino. Vho tshimbila nga ndīla ińwe na ińwe-vho ye vha ḥoda, huno vha dzhia musadzi muńwe na muńwe-vho we vha kona.

<sup>60</sup> “Huno musi vharwa vha Mudzimu...” Zwino, vhanzhi vhavho vha a amba hafha uri avho vho vha vhe Vharuńwa vho waho, na vhańwe-vho, na avho vhanna na vhasadzi. Fhedzi u sumbedza uri izwo zwo khakhea, zwo khakhea lwo fhelelaho, Bivhili a i ambi huńwe fhethu nga ha Vharuńwa vhe munna kana vhasadzi. Huno, nga nnđani ha hezwo, na kathihi a hu na mu—musadzi a no ambiwa sa a re Muruńwa, Bivhilini, na kathihi. Zwino arali ni tshi ḥoda Luńwalo lwa hezwo, Mateo 22:20, na dzińwe-vho, ni nga dži wana.

<sup>61</sup> Zwino, izwo, izwo, a hu na tshithu tsho raloho tshi no nga muruńwa a re musadzi. Izwo ndi ngazwo mureri a re musadzi...*Muruńwa* ndi “muđinda.” Huno ndi—huno ndi ene...Ene *muruńwa* ndi “muđinda.” Huno a hu na o raloho. Fhedzi, ni a vhona, zwo shanduka, ḥamusi, vhunga zwe zwa vha zwi zwone tshifhingani itsho. Zwino, ndi na zwińwe zwiga zwa ḫivhazwakale zwo ḥwaliwaho hafha fhasi, ri tama u ya khazwo nga miniti i si gathi.

<sup>62</sup> Dzhielani nzhele, vhasadzi vha iļo ḫuvha, mađuvhani a Noaxe, vha fanela u vha vho vha vha u ambiwa nga havho iļo ḫuvha. Ni a vhona, “vharwa vha Mudzimu,” vha Sethe, vharwa vha Sethe, vho vhona vhananyana vha Kaini, uri vho vha vho naka. Ndi ngani? Vho vha vhe vhavhi, nahone vho vha vhe vhananyana vha Kaini. “Musi vharwa vha Mudzimu vha tshi vhona vhananyana vha vhathu, vho vha vhe vhavhudī, vha dzhia vhasadzi khavho. Zwenezwo vharwa vha Mudzimu vha wa kha tshiimo tshavho na Mudzimu, huno vha vha vhapandamedzi vha vhasadzi.” Huno arali itsho tshi si tshifanyiso tsha ḥamusi, a thi ḫivhi zwine tsha vha zwone. Izwo ndi ngoho.

<sup>63</sup> Vhanna! Nahone sedzani zwivhidzo zwashu ḥamusi, sedzani tshińwe na tshinwe tshire na tama, tshi dzhieleni nzhele. Huńwe na huńwe, ho vhonala nga iļo ḫuvha, ho fanela u vha vha vha vha vhasadzi vha u naka. Vhanna vho vha dziphuli khavho, i a amba ḫivhazwakale, uri vhanna zwa

vhukuma vho vha dziphuli kha vhasadzi, ngauri vho vha vho naka nga maanda, lwe vhone vha vha dziphuli. Vho ita zwikhethwa lwo buletshedzwaho, huno vha luvha. Huno, itonu elekanya, vho luvha nama na malofha a tshisadzini lwo buletshedzwaho nga ilo duvha. Iyo ndi divhazwakale.

<sup>64</sup> Huno vhambedzani izwo na ñamusi. Ndi zwenezwo zwithihi, mukomana wanga. Vhanna zwa vhukuma vha luvha vhasadzi. Mulandu, kha shango lašhu, Vho-Mme Kennedy vha elekanyiwa kavhili, zwine Muphresidennde a vha zwone. Izwo ndi zwone. Huno arali tshifhinga tshothe ni tshi amba nga ha munna, arali e na mufumakadzi a kungaho, izwo ndi zwone.

<sup>65</sup> Huno zwino vha amba izwo nga ha u reila. Ni a vha pfa vha tshi ri vhasadzi ndi vhareili vha re na mbavhalelo. Izwo two khakhea, ngauri ndi do ni vhudza uri ndi ngani. Billy na nne, ri tshi buđa ili la United States, nga nyimele ya mathomo, ri vhea ma—mapa muñku ntha modoroni washu, lubaba luñuku, huno lo ñwalwa “munna” na “musadzi.” Huno tshifhinga tshothe musadzi o ita phoswo, ri vhea luswayo thungo yawe; huno munna o ita nthihi, ri vhea nthihi thungo yawe. Huno kha vha mađana mararu, zwine ra zwi vhidza “booboo,” two kokodzwaho heneffo ndilani, ni do mangala. Ho vha hu na vhasadzi vha madana mavhili na mahumi mañanu na mararu, kha vhanna vha fumiñahe. Fhedzi ni a zwi ñivha uri ndi ngani? A vha wani izwo kha khothe dza mapholisa. Pholisa li nga si fare musidzana o nakaho; muthihi kha vha tshigidi. Ngoho, u dzhia nomboro yawe ya lutingo, fhedzi a nga si mu fare. Huno iyo i tou vha yone ndila. A zwi mangadzi rekhodo dzi sa zwi sumbedzi. Ni a vhona? Ngauri, vhanna ñamusi vha nga zwe zwa vha zwi zwone maduvhani a Noaxe, vha luvha tshikhethwa tsha vhasadzi vho nakaho. Izwo ndi zwone. Yawee, nnenñe!

<sup>66</sup> Nga ndila ye ha fanela u vha ho vha hu tshi ofhisra nga ilo duvha, u luvha musi vhone, vha tshisadzini, vha tshi ñitaidza nga ndila yo raloho i kungaho. Huno arali vho vha vhe khwine-vho kha u zwi ita tshifhingani itsho, u fhira zwine vha vha zwone zwino, ndo takala uri a tho ngo tshila tshifhingani itsho. Zwi elekanyeni, nga ndila ye fhedzi vha . . . nga ndila ye vhasadzi vha swika hune vha ñifara u fana na zwine vha ita zwino.

<sup>67</sup> Dzhielani nzhele, Bivhili yo ri, “Vha a la nahone vha nwa.” Zwino, izwo two—izwo two tendelwa. Ngoho.

“Mbingano i a hulisea.” Munna, munna a tshi mala musadzi, izwo zwi a hulisea, izwo two thoñwa nga Mudzimu. Fhedzi musi hu tshi da tshifhinga tshire munna a do dzhia mufumakadzi wa muñwe munna, kana a dzhia muñwe musadzi muswa, kana muñwe musadzi hu sa londwi uri ndi nnyi, huno a vunda muano wa mbingano yawe, huno a ita tshinwe tshithu tsho khakheaho, ndi tshivhi mañoni a Mudzimu. Huno Bivhili i amba yo halifha i tshi lwa nazwo.

<sup>68</sup> Zwino dzhielani nzhele, Yo amba hezwo. Mbingano, Mudzimu o i thoma ngei Edeni, fhedzi zwa vhukuma O haṭula vhupombwe. Huno avha vhanna na vhasadzi, nga ilo ḫuvha, vho pfuka milayo ya Mudzimu, vha didzhiela zwone huno vha zwi ita, naho zwo ralo. Zwino, vhambedzani izwo na namusi. Zwi sedzeni. Arali ni tshi ṭodou vhona tshidimela bulokoni, elekanyani zwavhuđi nga maanda nga ha hezwo zwino, vhunga Yesu Kristo a sa kundelwi o amba aya Maipfi. Ni a vhona?

<sup>69</sup> Huno dzhielani nzhele, Bivhili yo amba hafha, "Vha a ja nahone vha a nwa," a hu na zwiňwe, na vhasadzi vhavho vho nakaho. Zwino, ri a limuha uri izwo zwo luga. U ja na u nwa, uyo ndi muňwe wa milayo ya mupo ya vhutshilo. Ri tea u zwi ita. Fhedzi musi izwo zwe the zwi kha thalukanyo yanu, namusi vhathu vha tou vha dziphangwa, vha kambiwa, vhasadzi vha tshi khou nwa dzikhefini. Huno ni dzhena fhethu hune zwi-zwinwiwa zwa soda na khokhotheili zwa kiwa, vhasadzi vha nwa u fhira vhanna.

<sup>70</sup> Yesu o ri, "Sa zwe zwa vha zwi zwone maduvhani a Noaxe, vho vha vha tshi ja, huno vha tshi nwa, nahone vha tshi džheniswa mbinganoni." Nga maňwe maipfi, vho vha vha tshi khou dzula na vhasadzi vha songo malwa ngavho. Huno namusi, mulandu, zwo thonwa ngaurali. Vho vha vhe na Reno, ya uri no vha ni tshi nga mala, na ḫala na mala hafhu, zwe the nga ḫuvha lithihi. Fhedzi izwo a zwi tsha shuma zwino. Vha—vhanna, vha no sokou vhidzwa nga u ralo, na vhafumakadzi, vha hwala khii dzo fhambanaho dza u ya pherani kha iyi midi mihulu. Zwino, ndi a enda. Ndi—ndi heneffo miđini huno ndi a zwi ḫivha uri ndi ngoho, uri munna u na ndangano dzawe, na mufumakadzi u na ndangano dzawe. Oo, zwi tou vha dzanda ja—ja u sina, u swika zwo no bveledza tshivhalonyana tshi—tshitete, tsha u bvafha, tshi si tshavhuđi, murafho wo livhaho vhudzulavhafu.

<sup>71</sup> Miňwaha i si gathi yo fhiraho, sedzani he muthu a swika hone, muvhilini wawe. Sedzani he a swika hone, nga zwithu zwe a ita. Saints i khou lingedza u ita zwiliwa zwa khwine i sa fhidzi, mavhele a ḫhanganyo, na—na mađamatiši a ḫhanganyo, namu ya kholomo ya ḫhanganyo, musi zwithu zwi si zwavhuđi na luthihi. Zwi khou vhulaha vhathu, huno a vha zwi limuhi. Mulandu, nga miňwaha yo engedzeaho i si gathi, vha do vha vha si tshithu nga nnđa ha tshi—tshivhalonyana fhedzi tshi no nga muthu a si na nungo.

<sup>72</sup> Miňwaha ya mahumi mađanu yo fhiraho, mitambo ya bola yo bvela phanda sa zwine ya ita zwino, huno na kathihi a ni athu pfa nnyi na nnyi a tshi vhaisala, fhedzi zwino vha vhulaha vha dazeni, kana vhavhili, nga riňwaha. Bola i do rwa munna, ene, a hu na tshithu khae tsha u fara vhutshilo hawe khae. U fana na khanga. Na mu rwa, ndi mutete nga maanda, o fa.

<sup>73</sup> Musi Bob Fitzsimmons o lwa na Corbett, ndi tenda uri vho lwa lwa raundu dza dana na mahumi mavhili na thanu, nga manwe masiari, mavili e fhedzi. Musi avho vhanna vhe na u rwa ho raloho zwandani zwavho vha tshi nga dzhia vhavhili nga vhaña, kha intshi nna, huno vha wisa avho vhavhili nga vhana vha si na tshithu nga nnnda ha mavili a re na mapone. Vho edela zwanda zwavho zwi kha viniga, u ita mavili avho uri a khwathe. Huno ra—raundu yo vha i si raundu thukhu ya miniti mivhili kana miraru vhunga ri nayo namusi. Vho vha vha si na vhulalo ha mithenga ho hungelelwaho kha magilafu avho, huno a hu na muthu we a vhulawa. Huno vho lwa. Raundu yo vha i muthekho. No do tea u thekha munna. Huno vho lwa mithekho ya dana na mahumi mavhili na miyanu. Vho vha vhe vhanna. Huno namusi vha khou do tea u fhelisa vhukonesi ha musangwe, musi hu na vhulalo ha mithenga kha zwanda zwavho na kha mavili avho, vha nga si lwe raundu mbili kana tharu hu si na muñwe muthu a no vhulawa. Naa thaidzo ndi mini? O itwa nga gwada la, a thi divhī, mupfudze mutete, hu si na tsha thanganyo, u swika murafho wothe u tshi fa.

<sup>74</sup> Naa Bivhili a yo ngo amba izwo, zwauri vha do shaya nungo nahone vha talifha? Mulandu, kha luñwe lushaka lwa vhathe vha no khou da, vha do tshila nga philisi, vha dzhia philisi u itela tshiswiñulo tshavho. A si tshithu nga nnnda ha tshivhalonyana tsha vha no daha sigarete, vha no nwa wisiki, vha no gidimela khokhotheili, tshivhalonyana tsha vhadzia-zwikambi, zwinwiwa zwa tshipiripi. Vhana vhaswa tshikoloni, na vhukundavhalai; a zwi mangadzi, mme awe e nnnda tshiñarañani, a tshi ñifara nga ndila ine a ita, zwi posela ñwana ngomu ha zwenezwo zwithihi.

<sup>75</sup> Vhasadzi vho nakaho vha a engedzea; vhutshilo ha matshilisano ho kwashea. Yawee, mnemne, ndi tshithu tshihulwane-de kha ñuvha line ra khou tshila khalo! Ndila ine vha ita izwi, a i te...vha sokou bvela phanda nayo. A vha nga bveli phanda nayo. Naa vha khou itani? U fana na zwe vha ita tshifhingani itsho, vha khou hoyo Milayo ya Mudzimu. Mudzimu o ri, "U songo ita vhupombwe." Fhedzi vha sumbedza uri vha nga vhu ita, huno vha bvela phanda naho. Vha elekanya uri vha do bvela phanda naho, fhedzi vha nga si zwi ite na kathihi. Khamusi a ni tei u da, u thetshelesa hezwi. Huh? Naho zwo ralo, Mudzimu o ri itshi tshi do vha tshifhinga tshine tshedza tshitswuku tsha do vha tshi tshi khou taidza. Yesu o amba nga u ralo.

<sup>76</sup> Zwino tshi—tshivhi tshine vha khou ita, nahone vha tshi khou sea tshivhi! Zwifhinga zwinzhi, itsho, tshenetsho tshithu tshine iyi Bivhili ya tshi vhidza uri ndi tsha vhuada, shango namusi li tshi vhidza vhuvhuya. Musi ni tshi dzhia vhasidzana vhaswa vhashu—vhashu, huno na vha bvula zwiambaro zwavho, huno na vha vhea ngei nnnda vho ambara dzishothi

thukhu, vha nga zwileke na zwithu, huno na vha tshimbidza tshiṭaratani, huno vha elekanya uri izwo ndi zwa vhuvhuya musidzana a tshi kona u tana ḥama ya tshisadzini yawe. Ngeno, Bivhili i tshi ri ndi tshivhi, tshi a ofhis! Fhedzi shango li tshi vhidza vhuvhuya. Ni a vhona, vha khou ita Milayo ya Mudzimu... Huno tshivhidzo a tshi ambi tshithu nga hazwo. Ndi tshifhinga tsha uri muñwe muthu a vuwe nga dzina la u luga, nga Dzina la Yesu Kristo, huno izwi a zwi kandeledze, ngauri nga tshiñwe tshifhinga ri khou yo zwi fhindulela nga Duvha la Khaṭhulo.

<sup>77</sup> Zwino, arali izwi zwi tshi pfala zwi zwa kale nahone zwo dodoxhala, kha muñwe muthu, tolani murahu kha miñwaha i si gathi huno ni sedze zwi no khou bvelela zwino, huno zwenezwo ni humbulele tshifhinga tshi daho. A hu na tshifhinga tshi daho nga nda ha U Da ha Murena.

<sup>78</sup> Dzhielani nzhele, tolani avha vha tshisadzini vha phandha ha muđalo na ligi la ḥamusi; tolani zwe vha vha vhe zwone. Tolani zwe vharwa vha Mudzimu vha ita; tolani zwine vha ita ḥamusi.

<sup>79</sup> Ndo vha ndo dzula khuvhanganoni zwi si zwa kale-kale, huno kaṭukuṭuku ya ḥodou nndidza, musi vhothe... Muñwe na muñwe o vhonala a tshi khou tou diphina nga nyambo ya mushumeli, we a vha o ima kha pulatifomo. Huno ndo vha ndo dzula hangei khudani. Huno ho vha hu na mu—mufumakadzi muswa o dzenahao, huno o vha o ambara luvhi zwa vhukuma. Huno u da a tshi khou tshimbila kha itsi tshivhidzo, vhunga Bivhili i tshi amba, a tshi khou tshimbila o ḥotomosa mutsinga. Huno mureri muñwe na muñwe kha pulatifomo, khathihi na tshivhidzo, muñwe na muñwe a tshi khou rembulusa ḥoho yawe huno a tshi khou sedza, a tshi khou tevhela yu musidzana. Huno nda elekanya nga ha ulu Luñwalo, "Vharwa vha Mudzimu vha sedza vhananyana vha vhathu," vhaitazwivhi, vha sa ofhi Mudzimu, vhasadzi vha u naka. Oo, zwo no kherukanya zwivhidzo zwinzhi zwa bva zwipida. Zwo ḥusa Muya wa Mudzimu. Dzhielani nzhele, "Vha sedza vhananyana vha vhathu."

<sup>80</sup> Zwino elelwani, Yesu Kristo a sa kundelwi o amba uri izwi zwithu zwi do vha nga ndila iyi kha lino duvha. Huno O ri, "Musi ni tshi vhona izwi zwithu zwi tshi khunyelela, zwenezwo ni a zwi ḥivha uri tshifhinga tshi muñangoni." Zwino, a hu na vhathu vhanzhi vha no do amba hezwo. Hu na vhareri vhanzhi vhe vha kundelwa u amba hezwo. O vha a tshi do kona, arali o ḥoda u ralo. Fhedzi arali o vha a tshi do ḥoda u ralo, tshivhidzo tsho vha tshi tshi do mu bvisa. Izwo ndi ngoho kokotolo.

<sup>81</sup> Fhedzi ngetshi tshithu tshithihi. Arali munna o vhidzwa nga Mudzimu, u ḥo dzula na Bivhili, a thi londi zwine a tea u

ita. Ni fanela u elelwa zwauri Ndi Ngoho. Huno Ngoho i nga vhofha kana ya vhofholola. Huno izwi ndi zwone kokotolo zwe Yesu Kristo a amba.

<sup>82</sup> “Vharwa vha Mudzimu vho wa nga ḥwambo wa zwivhumbeo na zwifhaṭuwo zwo nakaho, zwa vhananyana vha vhathu.” Huno izwo ndi zwone kokotolo zwine ra vha nazwo ḥamusi, zwenezwo zwithihi hafhu.

<sup>83</sup> Zwino, vhambedzani iļo ḫuvha. U anda ha vhathu; vhasadzi vha tshi khou vha vhavhuđi; vharwa vha Mudzimu vha tshi khou wa; mbingano huno vha tshi dzheniswa mbinganoni; milandu ya ḥhalano; vha tshi khou tshila vhupombweni; na zwińwe-vho.

<sup>84</sup> “Ndi ngani” inwi ni ri, “Mukomana Branham, lwa tshifhanyana. A thi ḫivhi.”

Thetshelesani, mukomana, ni sa athu amba tshińwe tshithu, thetshelesani hezwi. Yesu Kristo o amba, zwauri, “Ane a lavhelesa musadzi u mu emula, o no di ita vhupombwe nae mbiluni yawe.” Huno musi ni tshi vhona... Musi munna a tshi bva ofisini yawe, a tshi bva tshivhidzoni, a tshi bva kha nnđu yawe, a kwama tshiṭaraṭa, naa ni vhonani nga nnđa ha ḥano, thungo ińwe na ińwe, la ḥama na malofha a vha tshisadzini, vha tshi fanela nga tshivhumbeo, vha zwifhaṭuwo zwo nakaho, vha lingiwaho. Izwo ndi zwe Mudzimu a ri zwi do itea. Musi izwo zwo no itea, zwenezwo tshifhinga tsho vha tshi muńangoni.

“Sa zwe zwa vha zwi zwone maduvhani a Noaxe, musi vharwa vha Mudzimu vho vhona vhananyana vha vhathu, huno vha thoma u dzhia vhasadzi khavho.” Ni a vhona? Khezwo.

<sup>85</sup> Zwino sedzani. Ri wana izwo, zwenezwo zwithihi ḥamusi. Ri vhona kha ḫvhazwakale, uri lutamo lwa vhudzekani lwo raloho lwe vha vha vhe nalwo khavho, u swika vharwa vha Mudzimu vho ḫitela zwikhethwa zwa vhasadzi. Izwo ndi zwa Venus, na zwińwe-vho. Ni a vhona? Vho, vho ita zwikhethwa, huno vha zwi gwadamela. Musi ni tshi ri, “Mukomana Branham, a ri na zwithu zwo raloho zwi no nga izwo ḥamusi. No kundelwa u vhambedza iļo na ili ḫuvha.” A thi ni pfi. Ndi tenda uri zwo vhfha ḥamusi u fhira zwe zwa vha zwi zwone tshifhingani itsho.

<sup>86</sup> Naa ri vhonani? TV. Ni nga si vhuye na kona u doba gurannda nga nnđa ha uri tshińwe na tshinwe tshine na tshi vhona tsho anđadzwa na vha tshisadzini. Vhasadzi vho nakaho kha phakhethe ya wisiki ińwe na ińwe, kha dzimagazini, vha vhudzekani, vho ambaraho lwa vhuđa. Kha TV, kha tshińwe na tshińwe, hu na muńwe musadzi o ambaraho lwa vhudzekani, muńwe musadzi o nakaho. Huno ri a wanulusa kha—kha khunguwedzo dla sigareće, tshińwe na tshińwe tshine ni nga kona

u tshi sedza, ni wana zwauri ndi muñwe musadzi a kungaho. Ni nga si vhuye na vhona khunguwedzo ya phere ya gauswu ndapfu dza siliga nnjani ha musi ni tshi vhona luñwe lushaka lwa milenzhe ya tshivhumbeo tshisekene i tshi khou fhira khayo. Huno izwo ndi zwone. Fhedzi ndi mini? Ndi ngani zwi izwo?

<sup>87</sup> Ndi elelwa munna we nda mu shumela, Chris Meisner, hafha n̄tha khonani. Vhanzhi vhanu ni elelwa Chris Meisner. Mufumakadzi wawe, Lillian, dzina lawe lo vha li Lily, ndi a elekanya, ene Ellinger. Huno musi o... Munna a da nga hangeno. O vha e musidzana o nakaho. Huno munna o vha a tshi ḥoda u wana thendelo kha khotsi awe, u vhea tshifhatuwo tshawe, tshifanyiso tshawe, mvumbo yawe, kha bogisi la malegere. Huno uyu German Luthern o aluwaho a ima nga milenzhe yawe, huno a ri, “Ilo ndi samba kha nñne, u vhea tshifanyiso tsha ñwananyana wanga kha bogisi la malegere, u andadziwa kha shango lothe.” Mini-ha nga ñamusi? Ngeno, bodo dza khunguwedzo, thelevishini, tshiñwe na tshiñwe tshire na tshi vhona, tshi tsha vhuada, tsha mikhwa mivhi, tsha vhudzekani, vhasadzi vha vhonalaho vha sa ofhi Mudzimu. Izwo ndi zwone. Naa ndi mini? Tshidimela, tshidimela tsha kale—tsha kale tshi bulokoni dzatsho zwino. Bivhili yo amba nga u ralo, tshi do vha tshi tshi khou da hu si kale nga maanda. Ri pfa mubvumo.

<sup>88</sup> Ri amba nga ha zwiñwe zwithu nga hazwo, fhedzi, elelwani, uhu ndi huñwe u taidza, huñwe ha u taidza hu no khou taidza phanda hashu ñamusi. Oo, ri vhona nyimele ya lushaka; ri vhona u dina ha politiki; ri vhona nzulele ya tshivhidzo. Ri rera nga ha izwo zweþhe. Fhedzi itsi ndi tshiñwe tshithu tshiswa. Ndi tshiñwe tshithu tshire tsha sa takalelwe nga maanda u ambiwa nga hatsho, fhedzi zwi fanela u itwa, ngauri hu tea u vha na ipfi li no khou vhidzelela. Elelwani, eneo maipfi ane nda a amba madekwana a ñamusi a do ṭangana na nñne hangei Khaþuloni. Ni a vhona?

<sup>89</sup> Musi ndi tshi vhona uyu musadzi zwi si zwa kale-kale, kha bono le Murena a ntsumbedza lone, ndi tshi mu vhona a tshi fa. Ilo, na kathihi ndi nga si kone u elekanya nga ha ilo dzina la uyo musadzi, ene, Marilyn Monroe. Huno na kathihi a thi athu mu vhona. A thi yi dzifilimuni. Fhedzi ndo—ndo—ndo no mu vhona uyo musidzana, huno o vha a tshi kunga. Huno o vha a tshi khou lingedza u swika kha tshiñwe tshithu; o vha a tshi khou fa, e na vhulwadze ha mbilu. Huno Murena a ri, “Zwino iwe u amba izwo, ‘O fa nga awara ya vhuña n̄tha ha tshithoma. Ho ngo ðivhulaha.’” Ha pfi, “Fhedzi iwe u nga ri o fa nga awara ya vhuña n̄tha ha tshithoma, ngauri i tou vha mithethe i si gathi i sa athu rwa awara ya vhuña.” Huno heneffho nda vhona he vha mu wana hone. Huno nda vhudza Billy, nda vhudza muþa, avho vhe vha vha vhe na nñne, nga hazwo. Huno maðuvha a si gathi ngavhvuya, ho vha hu Marilyn Monroe o faho.

<sup>90</sup> Zwino, musi ndo vha ndi ngei Canada liñwe duvha, vhananga vha dzulela u mmbudza, hangei huñwe fhethu he mufumakadzi a ri tendela u vha na nnđu, o vha e na thelevishini. Huno vha ri, "Hu khou yo vha na liñanwa, li no vhidzwa, The River Of No Return." Uyo ndi mulambo une nda rea khovhe khawo, tshifhinga tshothe. Huno John Smith, khonani yanga, u dzhia uvho vhuendelamashango. Ha pfi, "Vho ita filimu ngaho." Huno ha pfi, "Khotsi, khamusi avho Vho-Smith vha kha mbekanyamushumo. Naa vha ño takalela u i sedza?"

"Zwo luga," nda ri, "musi ndi tshi vhuya Canada, arali nda kona u swika nga tshifhinga, ndi ño i sedza." Zwo ralo, musi liñanwa li tshi ña, nda ya u li vhona, nda ya u li vhona. Huno musi ndo ita, ndi nnyi we a vha a tshi khou tamba khañgo nga nnđa ha Marilyn Monroe. Zwino, o vha e heneffo, nga murahu ha musi o vha o no fhedza ñwaha kana yo engedzeaho o fa, o vha e heneffo o ambara lwa vhudzekani tshothe. Ho vha hu na ipfi ñawe, le ña vha li tshi kha di tamba; nahone li ño ralo, lwa miñwaha na miñwaha, kha iyo theiphi ya maginete. Arali iyo theiphi ya imaginete i tshi fara nyito yawe, musi arali o vha a tshi nga sedza u bva hune a vha hone madekwana a ñamusi... Ndi a fulufhela uri o tshidzwa, fhedzi a thi ñivhi; izwo zwi kha Mudzimu. Fhedzi arali o vha a tshi nga sedza murahu, izwo a nga si zwi landule. A nga si zwi landule izwi, ngauri ri nazwo. Ndi zwingafhani-ha zwo engedzeaho zwine Mudzimu a vha nazwo zwa muito muñwe na muñwe, nyito ñewe na ñewe, kha theiphi Yawe khulwanesa ine ya ño ralo. Ri nga si kone u bva khayo. I henehafho.

<sup>91</sup> Huno elelwani, arali ho vha hu na khudzaipfi yo dzulaho henehafha hune *iyi* ya vha hone, huno ndo vha ndi tshi khou hasha zwino kha shango, vhathu u mona na shango vho vha vha tshi ño pfa ipfi ñanga li sa athu vhuya la buða iyi phuluphithi u ya kha inwi. Izwo zwi kha elektroni dza—dza shango.

<sup>92</sup> Huno ni a ñivha, ilo ipfi a li fi. Li nga si fe na kathihi. Saints i amba uri, "Kha miñwaha ya fumbili," arali vha tshi nga vha na mvelaphanda sa zwine vha vha nayo zwino, "Uri vha ño dzhia ipfi lo buletshedzwaho la Yesu Kristo musi O vha e kha lifhasi, kha miñwaha ya mahumi mavhili u bva zwino." Ngauri, zwi fana na u wisela thombwana kha kutivha, magabelo mañuku mafhedziseloni a nga di ngalangala mañoni anu, fhedzi saints i amba uri a humela murahu kha philiphili nthihi, u buda danzhe u ya kha liñwe, na murahu na phanda, huno na kathihi ha fi. Huno maipfi na one ane na a amba ha ralo; a do tangana na inwi nga Duvha la Khañhulo, huno a ño ni hañula kana a ni tshidza, huno na kathihi a ni nga koni u shavha liñwe na liñwe-vho ñao.

<sup>93</sup> Huno ri a zwi ñivha nga maanda, zwi khou dzhena fhano lufherani ulu zwino, zwifanyiso zwa vhathu. Arali ni sa zwi tendi, fungani thelevishini. Huno hu na maipfi a vhathu, nangwe zwo ralo zwipfi zwashu zwi nga si a dobe.

<sup>94</sup> Zwino, vha na tshiitshi tsha u rumela na polo ya maginete, kana tshupu, kana khirisitala i no doba ayo maipfi huno ya a bveledza. Huno zwino tshithu fhedzi tshine Bivhili ya vha tshone, ndi itsi, Ipfi la Yesu Kristo le A li amba, huno A a tshila lwo buletshedzwaho u tou fana na linwe ipfi-vho li re shangoni namusi.

<sup>95</sup> Zwino, arali mbilu yanu yo tanzwiwa nga Malofha a Yesu Kristo, huno a vha sethe i tanganedzaho zwi bvaho kha iyo Sethe i rumelaho, U a sa shanduki mulovha, namusi, na lini na lini, huno u ita zwithu zwenezwo zwithihi zwe A ita, ngauri Ipfi Lawe li nga si kone u fa. A tshila u ya ho ya. A vha tei u doba sethe, kana miñwaha ya mahumi mavhili u bva zwino. Ri Li tanganedza zwa zwino. Zwino, khezwo.

<sup>96</sup> U tshila kha ili duvha ljhulwane line ra khou tshila khalo, tsini na u da ha Murwa-muthu, huno zwedza zwi tshi khou taidza huñwe na huñwe, zwa U Da Hawe. Ri zwi vhona kha politiki; ri zwi vhona tshivhidzoni; ri zwi vhona kha tshifhinga; ri zwi vhona huñwe na huñwe hune ra sedza. Ri vhona duvha li si tsha vhonala sa zwe la vha li tshi anzela u ralo.

Shango lo bva kha nzudzanyo. Vha a mmbudza zwa zwino, ngei kha Polo ya Devhula, n̄ha ngomu henengei, uri lwanzhe lwo no vha, ndi hangwa uri zwingafhani, u tsa phasi u fhira zwe lwa vha lu tshi anzela u vha zwone. Lupatapata lwa Bering, no vha ni tshi nga lu pfuka. Zwino, lu fiti nnzhi, nnzhi, nnzhi u tsa phasi, kha Lupatapata lwa Bering. Ndi ngani? Lifhasi li khou kukumuwa vhukati. Li khou thoma u vha li songo tsesaho ngeno nda he la vha lo tsa phasi, huno li khou thoma u tsa phasi hafha n̄ha he la vha li songo tsesa. Shango lo bva kha nzudzanyo tshothe. Li khou swenda. Li khou ya ngei na ngei. Mupo wothe u khou litshedza, na tshiñwe na tshiñwe tshine ri nga tshi vhona.

<sup>97</sup> Huno zwino, madekwana a namusi, ri wanulusa uri mupo wone upe u khou bveledza, kha lushaka lwa vhathu, tshiga tsha U Da Hawe; ngauri, vharwa vha Mudzimu, na vhananyana vha vhathu vha khou vha vhavhuđi, na nga ndila ye vha dzhia vhasadzi khavho. Ndi awara-de iné ra khou tshila khayo nandi! Yawee, nñenñe, na nga ndila ye zwa vha zwi ngayo nga ilo duvha!

<sup>98</sup> Zwenezwo ri a vhona kha divhazwakale ya itsi tshithu tshihulwane tshi tshenusaho, tsha vhanna vha tshi luvha vhasadzi, huno ri a wanulusa namusi uri ndi shango la musadzi.

<sup>99</sup> Ndo vha ndi ngei Switzerland, zwi si zwa kale-kale, huno ndo vha ndi tshi khou amba na... Zwino, a hu na tshithu tshine nda khou lwa na vhasadzi vha Vhakriste vhashu ngatsho, hai, muñe wanga, ndi vhone dzidzhuwele. Ndi khou amba nga ha u giđima ha shango. Ho vha hu na mufumakadzi

we a vha o namela na nne, Mukomana Guggenbuhl, na khonani yawe ya musidzana ye a vha a tshi khou tshimbila nayo. Ndi munna a no ṭodou—a no ṭodou edana na nne nga maanda nga vhukale, ho ngo mala na kathihi, khombe yo aluwaho, huno o vha a tshi khou tshimbila na muñwe mufumakadzi muswa. Huno zwenezwo muñwe wa vhasidzana vha no bva heneffo, huno a ri, “Mukomana Branham, kha vha ri vhudze nga ha Amerika. Ri pfectesa uri, vhasadzi hangei, ndi shango la vhasadzi hangei, ngoho lwo edanaho.”

Nda ri, “Izwo ndi zwone.”

Ha pfi, “Tshifhinga tshothe ndo ṭoda u ya.”

Zwenezwo nda thoma u mu ṭalutshedza. A ri, “Mini?” Nda ri, “Ee.” Zwa shandukisa muhumbulo wawe nga u ṭavhanya.

“Zwo ralo,” a ri, “naa ni nga kona hani u tshila vhutshilo ha Tshikriste fhethu ho raloho hu no nga uho, zwenezwo?” Zwi elekanyeni.

<sup>100</sup> Musi ndo dzhena ngomu—ngomu Roma, huno ndi ngei San Angelo, mavhidani a nga fhasi, zwo vha zwi tshi khou tshenusu. Musi ndi tshi bvela nn̄da ha hodela yanga huno nda tsela fhasi hune ha vha afho fhethu hu no vhidzwa, “Three Coins in a Fountain,” vhasadzi kha tshitarata, n̄dila ye vha vha vhe vha vhuada ngayo. Vhasadzi vha a bva huno vha ni humbela uri ni vha bvise nga ndangano, mifuda yothe, vhuhulu, na tshakha. Huno ndi hangwa uri ndi vhangana vho daho kha Billy na nne na Mukomana Baxter, ri sa athu tsela fhasi dzivhani, na munna a bvaho TWA we a vha a tshi khou ri sumbedza u mona hothe. Nda ri, “Naa avha vhasadzi vha tea u tshila nga u ralo?”

<sup>101</sup> Ha pfi, “Hai. Musi maswole o vha e hangeno, vho vha vho zwi ḍowela. Huno, nangwe zwo ralo, vha na mushumo wavhuđi, nangwe zwo ralo vha isa phanda.”

Fhedzi na kha fhethu hu no nga uho, musi ndo swika vhuponi ha San Angelo, tshiga tshihuluhulu heneffo, tshi bvaho Vatican, tshe tsha ri, “Ndīvhadzo kha vhasadzi vha Amerika! Ndi humbela uri ni ambare zwiambaro ni sa athu dzhena huno ni nee vhafu khuliso.”

<sup>102</sup> Ndo vhona musidzana wa Amerika a tshi tsa ngei Paris, hune ha vha uri, zwa vhukuma, iñwe ya fesheni dzashu yo vha i tshi anzela u da i tshi bva Paris. Fhedzi uyo musidzana o vha o ambara lwa vhuada nga maanda, e na khotsi awe na mme awe, u swika maswole e a vha a tshi khou shuma heneffo nn̄da a tshi wisa piki dzao na dzifoholo, huno a gidimela heneffo n̄tha huno a sedza ulwo luža, u sedza uyu musidzana wa Amerika a tshi fhira.

<sup>103</sup> Ri vhekanya luvhilo lwa dzifesheni. Ho vha hu tshi anzela u vha Paris, fhedzi zwino vha da geno u wana tshika ya

mikhwa mivhi, ya fhasi. Huno ulu lushaka, he mvuseledzo i kha di bva u fhira, ya ndovhedzo ya Muya Mukhethwa, hu na Murena Yesu wa lufuno a tshi khou sumbedza zwiga Zwawe na zwimangadzo zwa khathutshelo, na zwa u amba sa zwe zwa vha zwi zwone mađuvhani a Noaxe, huno zwedza zwi tshi khou taidza u bva kha sia u ya kha sia. Mudzimu a no kona u vusa mufu vhulaloni hawe; Mudzimu a no kona u fhodza vhalwadze; Mudzimu a no kona u amba zwithu zwi sa athu khunyelela, huno a zwi ita two fhelelaho kokotolo nga tshifhinga, tshifhinga tshiňwe na tshiňwe, hu si na u kundelwa. Huno inwi ni nga rerela vhasadzi vhashu ngei Amerika, huno vha a ḥana u vhifha ḥwaha muňwe na muňwe. Bombay, ndi khou amba...

<sup>104</sup> Ngei Durban, Afurika Tshipembe, he ha vha hu na vhaňwe ngwaniwapo vha zwigidi zwa mađana mavhili vho kuvhanganaho nda muđanganoni, musi wa dembe ljhulwane le Mudzimu a ita. Huno nda vhona ngwaniwapo vho fukaho mabai vha zwigidi zwa mahumi mararu. Vhasadzi vho ima heneffo vhe na tshipida tsha malungu tsha intshi ḥna tshi tshi khou nembelela fhedzi nga phanda. Huno munna, a songo ambara zwiambaro, tshipida tsha intshi ḥna. E fhedzi! Bai le vha edela khalo, mukumba wa mbudzi; we wa ḥekedzwa, khavho, musi vhe kha vhuňwe vhukale; huno zwenezwo vha tshila khawo, vha edela khawo, vha ȳiputela ngawo, huno vha fa nahone vha swiňwa vhe ngomu hawo, dangani huriňwe fhethu.

<sup>105</sup> Huno nda vhona avho vhasadzi, vha tshikale nga maanda, u swika musadzi a tshi beba lushie, o dzula fithi dza mahumi mavhili u bva kha nne. Ho ngo ya sibadela na kathihi. Vhone, musadzi o mu thusa heneffo lwa tshifhinganyana, huno nga miniti i no ḥodou swika miňanu zwa vha two no fhela. A doba lushie huno a lu kuvhatedza khanani yawe, uri a lu mamise. Avho vha tshikale! Fhedzi musi vho no vhona maanda a Mudzimu Ramaandaothe a tshi da kha mutukana we a vha a tshi thuphea nga maanda, huno nahone a si kha ḥhalukanyo yo takalahlo; huno a takuwa ḥhalukanyo yowe yo takala, a tshi khou renda Mudzimu; ngwaniwapo vha zwigidi zwa mahumi mararu vha re na mabai vha tanganedza Yesu Kristo sa Mutshidzi wavho. Naa ho bvelelani? Ni a elelwa, izwo ndi zwihihi kafumi u fhira Pentekoste. Zwigidi zwa mahumi mararu! Huno a hu na muthu...

Ndo sedza avho vhasadzi nga mađo anga, musi vha tshi gwadama mavuni, vha tshi kwasha zwifanyisamudzimu zwavho, vha tshi ḥekedza matshilo avho kha Yesu Kristo. A vho ngo ȳivha; hu na khonadzeo ya uri a vha athu pfa Dzina Lawe na kathihi, vhanzhi vhavho. Fhedzi musi vha tshi wa nga magona avho—avho, huno nda vha vhudzisa, arali vho vha vha tshi fulufhedzea khazwo, vho amba zwenezwo, u kwasha zwifanyisamudzimu zwavho. Huno vho kwasha

zwifanyisamudzimu zwavho. Huno musi vho wa nga magona avho huno vha ḥekedza matshilo avho kha Kristo, musi ndi tshi khou vha rābelela, huno vha dovha vha takuwa. Huno avho vhasadzi vhe vha do ima zwanda zwavho zwi fhasi, vha sa zwi ḫivhi uri vha fhedzi; zwenezwo Vhutshilo ha Kristo vhu tshi kwama vhutshilo havho, nda vhona avho vhasadzi vha tshi peta zwanda zwavho huno vha bva vhuhoneni ha muthu. Huno arali u kwamiwa nga Yesu Kristo hu tshi do ita izwo kha ngwaniwapo a re na bai, naa ho tea u itani kha lushaka lwo pfaho Mafhungo-madifha lwa miwaha ya madana? Henehfo zwino ri... Ndo zwi vhona hezwo. Izwo a si zwe muñwe muthu-vho a zwi amba. Ndo zwi vhona izwo. Ni a vhona? Zwi a mangadza-ha uri ri ḫivhidza Vhakriste, huno ḫwaha muñwe na muñwe ri bvisa vho engedzeaho. Huno zwivhidzo zwi vhonala zwi sa londi tshithu nga hazwo.

<sup>106</sup> Dzimbekanyamushumo dza TV, oo, dzi ita ḥama ya tshisadzini na malofha... A si vhone midzimu. A si vhone mudzimukadzi. Fhedzi zwi dzudza Amerika kha nzudzanyo kokotolo ya u khunyeledza Luñwalo. Amerika ndi la vhufumiraru. Tshikhethwa tsha Amerika ndi musadzi, tshifhingga tshothe. Tshi kha tshelede yashu. Tshi kha tshiñwe na tshiñwe. Huno zwino zwa vhukuma zwi ḫisa ngomu ha tshifhingga tshire ra khou yo vha na mudzimukadzi wa Amerika, na ene-vho, zwi si zwa kulesa. Ni a kona u vhona muñwalo wa tshanda kha luvhondo.

<sup>107</sup> Oo, naa ri khou yo itani? Ni nga si vhuye na tshimbila tshiñaratani huno na wana... Sedzani nn̄da tshiñaratani, thomaní fhasi doroboni huno ni vhone fhedzi ḫano la vhasadzi, nga ndila ine vha diita nga zwiambaro khalo, u fhulufhedzea u swika kha vhudi, musadzi u tea u vha na ḫoni dza u ima lufherani lwawe lwa u ambara o ralo. Vha tshi khou tshimbila nn̄da kha tshiñaratā, vho patiwa nga maanda, huno—huno vho ambara zwiambaro zwiñkuñuku. Huno—huno nn̄da kha idzi bitsi dza u bambela vha na idzi dzikinisi ḫukhu, kana zwenezwo zwine vha dzi vhidza zwone, kha, na zwithu zwo raloho zwi no nga zwenezwo. Huno vha sa zwi ḫivhi uri khavho hu na maya muvhi. Ngeno, vhanzhi vhavho vha tshi imba dzikhwairini. Izwo ndi zwe Yesu a amba uri zwi do itea.

<sup>108</sup> Ḫama ya tshisadzini! Vha ḥama na malofha. A si vhone midzimu. U ya nga muñumbulo wanga... Mudzimu nkhangwele arali ndi tshi khou khakha. Ndi u bvula zwiambaro ha holosele. Ni nga si kone u vhea munna mulandu, arali a si ene—ene Mukriste, a no do wa, huno a wela milingoni na fhetu ho raloho hune a do ita tshiñwe tshithu tsho khakheaho, u swika a tshi do... Ni a vhona, ho ngo kona u difara. Zwi a akhamadza urī a hu na u tzhipa ho engedzeaho hu no khou bvela phanda, ngauri, vhanzhi nga maanda vhavho,

vhasadzi vha khaho. Fhedzi, arali ho vha hu si hone, no vha ni tshi do vhea hani munna mulandu? Vheani mulandu hune mulandu wa vha hone.

<sup>109</sup> Musadzi u ri, “Zwino, Mukomana Branham, ndi tou vha a re na mikhwa yavhuđi vhunga ndi...” A hu na u timatima nga ha izwo.

Fhedzi, khaladzi anga, naa ni a zwi ḋivha uri ni khou yo fhindula nga ḋuvha la Khaṭhulo malugana na u ita vhupombwe musi ni tshi ḋiposela ngei nn̄da huno munna a ni sedza? O ri, “Ane a sedza musadzi uri a mu emule, o no di ita vhupombwe nae mbiluni yawe, huno u do tea u zwi ḋhindulela.” Huno khamusi a no ngo ita nyito, fhedzi arali ni tshi tendela Saṭhane u vhea uyo myua kha inwi, ngeno, mupo wone une u tshi tea u ni funza uri zwo khakhea! Hu si na Muya wa Mudzimu, mupo u tea u zwi ita, u ni funza uri zwo khakhea.

<sup>110</sup> Ndi a bvumba uri hu si kale vha do bva na tshiñwe tsha izwi zwithu, tshi do tou vha ḫari la muhuyu hafhu. Ndo bvumba izwo miñwaha ya mahumi mararu yo fhiraho. Ni a vhona, liñwe samba kha Bivhili. Ni a vhona? Vha do zwi ita. Ndi u bvula zwiambaro vhathuni.

<sup>111</sup> Zwino, diabolo u ita zwi fanaho kha vharwa vha Mudzimu ḥamusi. Huno izwo ndi zwone. Sedzani mabindu ashu. Vhunzhi ha mabindu ashu a langwa nga vhasadzi, vhunzhi hao. Izwo ndi zwone. Sedzani zwivhidzo zwashu, sedzani lushaka lwashu, nga ndila ine vharwa vha Mudzimu vha gwadama phasi kha tshikhethwa tsha izwi zwithu, avha vhasadzi. Ngeno, vhone, kha nne vha, sa fhiri phombwe dza vhathuni. Itsho ndi tshithu tshi ofhisaho u tshi amba, fhedzi ndi ngoho i re fhedzi. Ndi a zwi ḋivha uri vhathu vha pfa idzi theiphi na zwithu, vha do amba izwi zwithu. Fhedzi ni nga zwi ita hani? Arali ni tshi ḋisumbedza nga u ralo, huno munna a ni sedza, vhunga Yesu o amba inwi no “ita vhupombwe” nae. Huno musi uyo munna a tshi tea u fhindula u ita vhupombwe, ndi nnyi o zwi itaho, ndi phoswo ya nnyi? Ndi musadzi o ḋibvulaho nga u ralo huno a ḋibveledza, kana a ḋisumbedza phanda ha uyo muitazwivhi. Izwo ndi zwone. Naa ndi tshiga tsha mini? Tshifhinga tsha vhufhelo, tshedza tshitswuku.

<sup>112</sup> Vhumme ho kwashea. Tshakha dzi khou kwashea. Zwino arali ni tshi ḫodou vhona he Yesu a amba izwo, vhalani Mateo 5:28. Afho ndi hune zwa vha hone. Vhutshilo ha tshisadzini ho vha tshivhangi na tshivhumbeo tsha u wa, kha izwo, maanda a vhudzekani o vha shubi. Arali ni tshi ḫodou londa vhuṭala, ngedzi dziñwe tshakha dze nda londa vhuṭala ha u wa hadzo. Luñwe lwo vha lu Egipita, Assyria, Roma, na mañwe-vho, o waho nga maanda a vhasadzi.

<sup>113</sup> Dzhielani nzhele, a hu na tshithu tshe Mudzimu a kona u tshi ḥea munna, nga nn̄da ha tshidzo, tsha khwine u fhira

mufumakadzi a takadzaho. A hu na munna ane a nga khuthadza, a hu na—a hu na muthu ane a nga khuthadza muthu musi o kulea nungo, a nga si fulufhedze muñwe vhunga a tshi ita mufumakadzi wawe. Huno ndi tshithu tsho shudufhadzwaho-de tshire vho inwi vhakomana na vha tshone musi ni na mufumakadzi a takadzaho muñku o kunaho huno a tshi fhulufhedzea, huno a na mikhwa yavhudí, huno ni tshi nga dzhena musi no kulea nungo huno no neta, huno na dzula fhasi huno a kona u amba na inwi. A nga ita zwo engedzeaho na inwi u fhira muñwe muthu-vho. Izwo ndi zwone. Ndi dzhuwele. Ndi khosikadzi.

<sup>114</sup> Fhedzi elelwani, “Musadzi o itelwa munna; a si munna o itelwaho musadzi.” Tshivhumbwa tsha u sikwa tsha u fhedza tshe Mudzimu a vhuya a tshi sika tsho vha tshi munna. Musadzi ndi tshitungulwa tshi bvaho ha munna. “Huno o itelwa munna; a si munna o itelwaho musadzi.” Vho zwi fhambanyisa, huno munna u a wela kha tshikhethwa tsha musadzi. Itsho tsho vha tshi tshenetsho tshithu tshe tsha zwi thoma mathomoni. Izwo ndi zwe zwa bvelela mathomoni. Musi murwa wa Mudzimu, Adamu, a so ngo kona u lingiwa uri a ite zwe zwa vha zwo khakhea, Sañane o dzhena kha muthu a vhidzwaho ñowa, we a vha a tshi fana na munna. Huno heneffo ndi hone he zwa thoma, zwauri Efa o da murahu ha Ipfi la Mudzimu, huno izwo zwo vhanga lilambilu liñwe na liñwe, zwaloni huñwe na huñwe. Tshivhi tshinwe na tshinwe tshe tsha vhuya tsha itwa, tsho thoma henehafho.

<sup>115</sup> Ngetshi hafhu. Mini? Vhasadzi vho vha vhe tshivhangi tsha u wa ha u thoma, huno vhasadzi vha fhedzisa tshifhinga. O hu thoma; u a hu fhedzisa. A zwi mangadzi Bivhili yo ri, “Avho vha no ponya Tsioni vha do vha vha vhugala mañoni a Murena.”

<sup>116</sup> Musi Yesaya 5, o amba nga ha ndila ine u shaya mikhwa yavhudí ha vhasadzi ha do dzhena mañuvhani a u fhedzisela, na ndila ine ha do vha, na zwiambaro zwinzhi nga maanda zwine vha tea u vha nazwo, na ndila ine vha do tea uri mavhudzi avho a dzudzanyiwe, na tshinwe na tshinwe nga u ralo. Bivhili i a zwi amba izwo, Yesaya 5. “Ndila ine a do tshimbila o ambara zwienda zwa migo, a ḥongisa milenzhe yawe musi a tshi khou di tshimbila. Huno u do finya gauswu dzawe, na zwithu zwine a do ita; na sethe dzi no shandukisea nnzhi, zwiambaro, na zwithu zwa u ralo.” Huno ha pfi, “Zwothe izwo u do dzhielwa zwone, huno u do dzula nahone a nukha, zwi tshi bva kha u shaya mikhwa yavhudí.” Huno ha pfi, nahone, “Vhasadzi vha sumbe vha do zhuvhula munna muthihi, huno vha ri, ‘Ri do ita mushumo washu. Kha ri tou dzhia dzina ḥanu, u ḥusa u nyadziwa hashu.’”

<sup>117</sup> Fhedzi a ri, “Li do vha la vhugala hani ilo davhi lituku line la ponya izwi zwithu zwothe! Hu do vha ‘VHUKHETHWA KHA MURENA’ nga ilo duvha,” musi vhasadzi vho bebwaho hafhu zwa vhukumakuma vha tshi divha fhethu havho, nahoh

vha tshi ḋo sewa, huno vha vhidzwa vha matsilu nahone vha tshikale, tshiñwe na tshiñwe. Fhedzi, difareni vhunga musadzi, vhunga mufumakadzi! Imani vhunga musadzi! Ambarani vhunga musadzi! Ambani vhunga musadzi! Tshilani vhunga mufumakadzi. Iina. Amene, iyo i amba, “nga zwi vhe nga u ralo.” Ni songo tshuwa. A zwi ni vhaisi. Zwo luga.

<sup>118</sup> Ipfi la Yesu Ene muṇe ḋo amba zwi no ḋo bvelela, ilo ḫano lihulwane.

<sup>119</sup> Nahone O ri, “Maduvhani a Loto.” Arali ni tshi ḫodou swaya ulwo Luñwalo fhasi, ndi—ndi Luka 17:28. O ri, “Vho vha vha tshi khou ḳa, vha tshi khou nwa. Vho renga. Vho rengisa.” Sa misi, izwi ndi zwithu zwo tendelwaho. Fhedzi sedzani. Huno—huno zwe vha dzula khazwo, fhedzi vha vhea yothe... ḫhalukanyo yavho khazwo.

<sup>120</sup> Huno mađuvhani a Loto, vhasadzi vho vha vhe fhasi nga maanda, kha mikhwa yavho yavhudzi, u swika vha si tsha shumiswa sa vhasadzi vha tshi tea u shumiswa, fhedzi vho vha vho shandea, u swika vha... Zwi vha zwo ḫoweleswaho nga maanda, lune vhasadzi vha vha vho ḫoweleswaho lune, vhone—vhone, munna a tshila na munna. U shandea ha mupo hu bvaho kha sele dza vhudzekani ho shandukisa vhuimo haho, ngauri vhasadzi vho no tshipa nga maanda.

<sup>121</sup> Mađuvha a si gathi o fhiraho ndo vha ndi hangei, Tucson, ndo ya u wana lofo ya tshinnkwa. Huno ho vha hu na mutukana o dzulaho heneffo nn̄da, na vhatukanyana vhavhili modoroni. Muñwe a dzhena, a wana paka ya dzisigarete. Nžhinga yo aluwaho i re na mmvi ya sedza fhasi, ya ri, “Naa idzi sigarete ndi dza nnyi, mme aq̄u?”

Ha pfi, “Hai, ndi dza uyo mutukana.”

A ri, “Naa o aluwa lwo edanaho u vha nadzo?”

Ha pfi, “Ee, muṇe wanga.”

A sedza murahu nga u ralo. Huno ndo vha ndo ima na lofo ya tshinnkwa na phainthi mbili dza mafhi, ndo sedza. Huno a ya, a ri, “Zwo luga,” huno a mu ḫea yone.

A sedza murahu kha nñe, huno a ri, “Ndi a zwi timatima izwo.”

<sup>122</sup> Nda ri, “A nga si vhe o aluwaho lwo edanaho u zwi ita. Lwo kalulaho u... Ha o aluwaho lwo edanaho kha vhukale vhuiñwe na vhuñwe.”

A ri, “Ndi ḋo tendelana na inwi.” Ha pfi, “Naa ni—nna ni na tshifhinga tshi konđaho tsha u lingedza u dici litsha?”

<sup>123</sup> Nda ri, “A tho ngo dici thoma na kathihi.” Ndo ri, “A tho ngo dici thoma na kathihi.” Nda ri, “Vhabebi vhanga vho daha nahone vha shumisa fola, fhedzi Murena Mudzimu o nndzivhisa lone.”

<sup>124</sup> A rembuluwa huno a ntsedza nga ndila i no nga i a mangadza, huno a ri, "Zwo ralo, ndi elekanya uri ndi thoni dzo sinaho namusi, u vhona ndila ye..." Ha pfi, "Zwo vhà zwi tshi anzela u vha nga u ralo, ri tama vhasadzi lu fhiraho mpimo." Ha pfi, "Ro mu nea khuliso. Ra bvula munadzi washu e hone. Ra tsela fhasi zwiṭaraṭani, huno dzinzhinga dzo vha dzi tshi do pfa muñwe muthu a tshi amba nga ha muñwe musadzi, vho vha vha tshi do mu mapha a dzula." Ni a vhona? Huno a ri, "Vho hulisa vhasadzi." Fhedzi a ri, "Muñe wanga, vhasadzi vho dihwesa zwone." Ha pfi, "Zwino a vha takuwi. Vho vha vha tshi anzela u takuwa; kha goloi ya tshiṭaraṭa, mufumakadzi u a takuwa, munna muñwe na muñwe o vha a tshi do bvula munadzi wawe huno a mu tendela u dzula fhasi." Ha pfi "Zwino ndi u kokodza, gogo!" Ha pfi, "Vho dihwesa zwone." Huno iyo ndi ngoho.

Uyo mulindi wa diabolo wa Hollywood hangei wo zwi bveledza nn̄da kha dzithelevishini na dzimagazini, u swika itshi tshithu tsho no vha khali khulukhulu ya tshika. Izwo ndi zwone.

<sup>125</sup> Ndi a zwi ḫivha uri uho a si u amba nga ndila i takalelwaho, fhedzi ndi u amba ha ngoho. Ndi Ngoho. Ndi Ipfi ḫa Murena, nahone na tshiga tsha u tsivhudza uri Kristo u do da kha uyu murafho. Ho pfi, "Avho vha no vhona izwi zwi tshi khunyelela, vha nga si lovhe u swika izwi zwithu zweṭhe zwi tshi khunyelela." Ha pfi, "Mataḍulu na ḫifhasi zwi do lovha, fhedzi Ipfi ḫanga li nga si lovhe na kathihi." Ndi tsivhudzo. Tshedza tshitswuku tshi khou taidza; u wa ha xaradeni. Ri tshifhingani tsha vhufhelo.

<sup>126</sup> Ri vhona zwiga zwa Murena Yesu a tshi fhodza vhalwadze, a tshi vusa vhafu, a tshi pandela mimuya miyhi. Ri vhona vha—vhathu vha tshi itwa vho khetheaho na vhakhethwa, nga Muya Mukhethwa. Ri vhona matshilo o shandukiswa. Ri vhona zwiga zwiḥulwane. Ri vhona zwiga zwi mangadzaho lutomboni, vhunga sosara dzi no fhufha. Pentagon, vhunzhi ha vhathu vha tshi i vhea kha thelevishini, vha tshi khou i nwala. A vha ḫivhi uri vha nga elekanya mini nga hayo. Tshakha dzoṭhe dza zwiga zwi mangadzaho! Murena Yesu a tshi tsela fhasi nga tshivhumbeo tsha Khavhu ya Mulilo, o tendela tshifanyiso Tshawe tshi tshi dzhiwa, a tshi tshila vhukati hashu, a tshi sumbedza uri U a sa shanduki mulo-...

<sup>127</sup> Ri vhona izwi zwithu zweṭhe zwi tshi khou bvelela. Ri vhona u rothola ha tshivhidzo. Ri vhona dinomineisheni i tshi khou aluwa. "Musi ni tshi vhona muhuyu, na iyi miñwe miri yoṭhe i tshi ḫuma lurere lwayo," Vhayuda vha tshi khou vhuya. "Muhuyu," Vhayuda vha tshi khou vhuyeleta lushakani lwavho, shangoni ḫavho. Ri vhona Vhapuresbiterieni, Vhamethodisi, Vhabaphuthisi, Mułuṭere, Vhapentekostala, zwivhidzo zweṭhe, "zwi tshi medza maṭari azwo," mvuseledzo.

O ri, “Dilugiseni! Itsho ndi tshifhinga.” Musi ri tshi vhona izwo zwi tshi khunyelela, izwo ndi musi Mudzimu a tshi ḥodou vhidza Vhanangiwa Vhawe. Zwenezwo musi ni . . .

Tshiñwe tshiga. Ha pfi, “Musi ni tshi vhona vhasadzi vha tshi vha vho nakaho nga maanda, musi ni tshi vhona vharwa vha Mudzimu vho dzhia na vhafumakadzi, huno vha didzhiela vhafumakadzi, huno vha tshi ita *itshi, itsho*, kana *tshiñwe*,” ha pfi, “divhani uri itsho ndi tshiga.” Ri hafha.

<sup>128</sup> Zwino, tshiñwe tshithu-vho tshe nda tshi ñwala fhasi. Elelwani vhananyana vhavhili vha Loto. Ee, ri a vha elelwa avho, fhasi ngei muđini wa Sodoma. Yesu o amba hafha, kha Luka 17, “Sa zwe zwa vha zwi zwone mađuvhani a Sodoma.” Elelwani, izwo, vhanna vho tambisa vhasadzi nga ndila ye nyito ya mupo ya vhutshilo ya swika he ya vha i si tsha tamea. Huno, oo, zwi a ofhisu u amba izwi kha pulatifomo, fhedzi izwi ndi . . . Arali ho vhuya ha vha na Ngoho, i tea u ṭuwa i fhano. Huno zwo vhifha nga maanda, ñamusi, u swika hu na mahumi a fumi a zwigidi zwi tshi andiswa nga zwigidi zwavho, zwi kha muengedzo huiwe na huiwe, u shandea, Vhasodom, sa zwe zwa vha zwi zwone nga ijo ḫuvha. Ngauri mashumisele a mupo a vhutshilo ha muthu ha u dibveledza ene muñe kha lifhasi ho ngo farwa zwone nga maanda, huno ho ya phanda nga ndila ye ha ralo, u swika lutamo lwao lu tshi kundelwa nga u ḫavhanya. Ndi do ri, kha miñwe miñwaha ya fumi kana fumiñhanu a do vha o fhira, kałukułuku, nga ndila ine ha khou engedzea ngaho.

<sup>129</sup> Mahumbulwa mahulwane. Ndo vha ndi na tshiñwe tshithu tshi bvaho kha Edgar Hoover nga ha hezwo, fhedzi a thi divhī . . . Ndo elekanya uri ndo vha ndi natsho tshi hafha, fhedzi a thi na, nga ha zwe a amba nga hazwo. Huno zwino ri wanulusa izwi zwithu. Yawee, nñenñe!

<sup>130</sup> Yuda, kha Bugu yaye ḫukhu, khulu, ndi i vhidza zwezwo, kha ndimana ya vhu<sup>7</sup>, kha ri tou i vhala. Ndi ḥodou vhala heyi. Yuda, kha ya vhu<sup>7</sup>. Iyi ndi Bugu ya u fhedza phanda ha Bugu ya Nzumbululo. Ndo i swaya hafha fhasi, Yuda 7, ndimana ya 7. Munna na musadzi vha tshi disa miano ya mbingano, vha tshi i vunda, vha tshi khou tevhela ñama isili! Thetshelesani.

. . . huno sa Sodoma na Gomora, na midi yo i tangaho nga uyo mukhwa, i tshi ñekedza yone iñe kha vhutondolo, . . . vha tshi tevhela ñama isili, . . . (Ni a vhona? Oo.) vhutondolo, vha tshi tevhela ñama isili, vho vhewa sa dzitsumbo, dza u tambula, na ndifhedzo, na mulilo wa u ya nga hu sa fheli. (Izwo ndi zwa, u tshinyadzwa tshothe na u fheliswa.)

<sup>131</sup> Fhano nga tshiñwe tshifhinga tsho fhiraho, Los Angeles, ndo vha ndo lindela, kana ndo vha ndi nda mafhethu a u gammiba. Ndo vha ndo namela ndi tshi gonya nga ndila. Huno mu—mufumakadzi mułuku, musidzanyana o nakaho, o nakaho

nga maanda, o vha a tshi khou gonya nga ndila. Huno nda elekanya, “U fanela u vha a tshi khou ya ḥanoni.” Huno o vha e na zwiambaro zwa nga phanda zwiṭuku, zwi no ṭodou vha—ṭodou vha intshi dza rathi kana malo nga vhuphara nga phanda hawe, na lupendelo luṭuku lwa intshi tharu kana nna lwo nembelela. Huno nthā-nṭha kha muvhili wawe, fhethu hutuku, hune ha ṭodou vha ho ḫedanaho lune ni nga thivhedza nahone na vala kupida kuṇwe na kuṇwe kwaho nga vili ḥanu, ho nembelela u buḍekanya nae nga iyi ndila. O ambara muṇadzi wa likhawaboyi, na phere ya mabutswu e na thambo khao. Huno a tshi kunga nga maanda, ndo kona u vhona he muṇwe muṭhannga-vho a vha a tshi nga suvhisa dzibiriki na tshiṇwe na tshiṇwe, u mu imela, a tshi tshimbila a tshi khou thwista na ndila.

<sup>132</sup> Huno ndo vha ndi tshi khou ṭodou khonela fhethu ha u gammiba, huno nda gonya u yela mafhethu a u gammiba. Huno nda thoma u khona, u humela murahu. Ndo elekanya uri ndi do ima, nda ri, “Mufumakadzi muswa, ndi tama u amba na īnwi nga Dzina la Murena Yesu Kristo washu. Naho na vha musidzana o nakaho, a hu na u timatima nga ha hezwo, naho ni na tshivhumbeo tshire nga khonadzeo tsha ḫo vha... Inwi, ni ṭodou pfa biriki dici tshi lila. Naa ni a limuha uri uyo muya u no ni ita uri ni ite izwo u do ni swogela vhudzulavhafu ha diabolo hune na do tambula kha zwikhathi zwi no do da? Naa ni a limuha uri uyo muvhili wo nakaho, wo vhumbwaho zwiṭuku, na marama o vhewaho zwavhudži na mavhudzi, na zwiṇwe-vho, na milomo mitswuku, khamusi kha—kha miṇwe miṇwedzi ya rathi zwivhungu zwi ḫo vha zwi tshi khou kokovhela ngomu na nn̄da ha uyo muvhili wo vhumbwaho zwavhudži, ngeno nn̄da buseni? Huno uyo muya u no dzula ngomu heneffho, namusi, u ḫo vha tshengeloni ya diabolo.”

<sup>133</sup> Zwenezwo tshiṇwe tshithu tsha nnyimisa, vhunga arali Mudzimu o vha a tshi do ri, “Arali u tshi ita izwo, vha ḫo u hoṇela fhasi hangei ngomu dzhele.” Ni a vhona? Khezwo. Zwenezwo nda vhona Billy a tshi bva huno a laedza, tsho vha tshi tshifhinga tsha u ḫa. Ndi a vha pfa vha tshi imba *Tendani Fhedzi*.

<sup>134</sup> Yawee, nñenqe! Naa vhathu vha nga loiwa hani kha zwithu zwo raloho sa izwo? Ndi ngauri a vha londi Ipfi la Mudzimu.

<sup>135</sup> Huno tshiṇwe tshithu, ndi vhashumeli murahu ha pulatifomo, vho dowelwaho kha aya madzangano, vha no vhala Ilo huno vha Li ḫivha, vha iledzwa u amba tshiṇwe tshithu nga Halo, ngauri vha ḫo swogela tshivhidzo tshavho kule navho-ha. Huno zwivhidzo zwi khou ṭoda mirado. Fhedzi Mudzimu u khou ṭoda vhakhethwa vho bebwaho hafhu vha Mudzimu a tshilaho, vha no do penya sa dzinaledzi. Mudzimu ri thuse u vha vha fhulufhedzeaho huno ra amba Ngoho, zwe Yesu Kristo a amba. Fhedzi

ilo ndi duvha line ra khou tshila khalo. Izwo ndi zwiga zwe Yesu a amba uri zwi do vha hone, huno ri zwi vhona henehfa phanda hashu.

<sup>136</sup> Sedzani zwino, na Yuda ndima ya vhu7 hafhu, "Sodoma na Gomora." Yawee, nnenne, ndi tshithu tshi ofhisaho-de nandi! Vha songo malwaho nga vhasadzi, "vha tshi tevhela nama isili." Munna o malwaho nga mufumakadzi wawe, a vha—a vha tsha vha vhavhili, vha muthihi. Huno munna a no do gidima nnnda e murahu ha muñwe musadzi, hu si na u diitisa u difhandekanya na mufumakadzi wawe. Huno musadzi a no gidima na muñwe munna, o fa kha munna wawe. O hana nama ya ene mune; o tumulelwka kule nae. Izwo ndi zwone. Nga Duvha la Khañhulo, u do tea u zwi fhindulela.

<sup>137</sup> Fhedzi namusi a vha todii u pfa Mulaedza wa u ralo. Vhathu a vha todii u u pfa Uyo. Vha todii u senengedzwa ndevheni dzavho. Ndi zwe Muya Mukhethwa wa mmbudza kokotolo duvha le nda vhea ilo tombo la khuña henehfo, a amba u:

*Rera ipfi; ima khalo nga khalañwaha, nga nnnda ha khalañwaha; . . .*

*Ngauri tshifhinga tshi do da tshine vha sa do kondelela pfunzo i pfalaho; fhedzi nga u tevhela nyemulo dza vhone vhané vha do . . . vha kakatela vhadededzi fhethu huthihi u itela vhone vhané, vha na ndevhe dzi thoñhonaho;*

*. . . huno vha do pambuswa kha ngoho, vha ya kha dzingano.*

Ha pfi, "Musi bono li tshi tuwa, u vhale Timotheo Ya Vhuvhili 4." Ha pfi, "U songo hangwa, Timotheo Ya Vhuvhili 4!" Huno musi bono li tshi ntutshela, ndo ima henehafhala kha Tshiitarata tsha vhu7, mutukana wa minwaha ya fumiñtahe o ima henehfhala, Ipfia la Mudzimu la amba lufherani, huno A ri, "Timotheo Ya Vhuvhili 4." Izwo ndi zwe zwa fhedza two vha zwone. Ni a vhona? "Tshifhinga tshi do da tshine vha sa do kondelela pfunzo i sa lwalihlo."

<sup>138</sup> Vhathu vha todii tshiñwe tshithu. Vhapentekosta la vha todii tshiñwe tshithu tshine tshi nga vha phaphatha muñanani, huno tsha vha tendela u tshila nga ndila ine vha todii. Huno vha kona u lidza piano nga ndivhitho dza fuiña nga muthethe, huno vha fhufhela ntha na fhasi, huno vha tshina malugana natsho; huno vhasadzi vha ita nga ndila ine vha todii, na munna nga ndila i fanaho. Mupuresbiterieni, Mumethodisi, Muluñtere, na Mubaphuthisi, hu na vhunzhi ha vhathu vha no fulufhedzea kha ayo madzangano othe. Izwo ndi zwone kokotolo. Fhedzi iyo sisteme yo vha vhofhelela fhasi, u swika vha tshi elekanya uri samusi vhe vha itsho tshividzso, nahone dzina lañho li kha idzo dzibugu, vho livha Tañdulu. Dzina lanu kha bugu fhano kha jifhasi, a zwi ambi izwo kha Mudzimu.

[Mukomana Branham o lidza munwe wawe—Mudz.] Dzina lanu li tea u ñwalwa Buguni ya Ngwana ya Vhutshilo, nga Malofha a Yesu Kristo, u zwi ðivha uri zwivhi zwañu two hangwelwa. Izwo ndi zwone.

<sup>139</sup> Fhedzi vha ñoda ulwo lushaka. Ulwo ndi lushaka lwa vhafunzi vhane vha ñoda vha tshi dzhena. A vha ñodi tshiñwe tshithu-vho. Huno musi Mudzimu maduvhani aya a u fhedzisela o dzinginyisa tshifhiwa tsha Mudzimu tshiñwe na tshiñwe tsho themendelwaho Bivhilini, tshifhiwa tshiñwe na tshiñwe tshe Yesu Kristo a fulufhedzisa, tshifhiwa tshiñwe na tshiñwe, na tshiga tshiñwe na tshiñwe, na tshiga tshiñwe na tshiñwe tsha tshifhinga tsha vhufhelo. Tshiñwe na tshiñwe tshe tsha fulufhedziswa Bivhilini, u ya nga hune nda vhona, nñe muné, tsho no ñi dzinginyiswa phanda ha lushaka, huno lu a ñupela thungo ya vhudzulavhafu nga u ñavhanya u ya nga hune lu nga ya. Na vha vhudza? Vha ño gidimela phanda, naho two ralo.

Kha ndi wane fhedzi Mañwalo a si gathi o engedzeaho hafha ri sa athu vala. Zwo luga. Oo, “Vho vhetshelwa mutshinyalo wa U Ya Nga Hu Sa Fheli,” ndi zwine vha vha zwone, Bivhili i ralo.

<sup>140</sup> Ulu lushaka lu kha u sina hu fanaho. U sina ha matshilisano uhu hu fanaho, ulu lushaka lu khaho madekwana a ñamusi. Inwi ni a zwi ðivha izwo. A si muswaswo. A si mavharivhari. Ndi Ngoho. Genesi 6:12, “Nama yothe yo vha yo tshinyala, munna o tshimbila nga ndila ya ene muné,” nga kuelekanyele kwa ene muné, a tshi ñihangwisa milayo ya Mudzimu. Iyo ndi ndila ine munna a ita ñamusi. Munna ha ñodi u pfa Ipfi la Mudzimu. Vhathu a vha ñodi u Li pfa. Vha ñoda u tshimbila nga ndila ya vhone vhañe.

<sup>141</sup> Jesebele o hana u pfa Ipfi la Murena. O vha a sa ño ñoda u vhidza uyo mureri o aluwaho a vhone alahalo a sa vhonealesi, Eliya, mufunzi wawe. Fhedzi o vha e mufunzi wawe, naho two ralo. Ndi zwone. Mudzimu o mu ruma, huno o vhombela nnnda mulaedza wawe. Naho o vha a songo funzea, a vha ðivhi hune a bva hone kana he a ya hone. O ña vhuponi e na Ipfi la Murena. O rumela mulaedza wawe, we a u rera, huno a hatula tshiñwe na tshiñwe tshe tsha vha tshi hone, tshi tshi vhidzwa tshivhi. Uyo, uyo Jesebele wa musalauno, o nyanyula na u lowa vhathu nga vhuloi ha maanda awe u swika lushaka lwothe lu tshi tshinyala, huno Eliya a ima e eþe ngei nnnda thavhani. Mudzimu a ri, “Eliya, u songo elekanya izwo. Ndi na vha zwigidi zwa sumbe henengei vha no fhulufhedzea mbiluni, nangwe two ralo.” Uyo ndi mururo wa vhuvhili wawe, huno wa vhuraru wo humela murahu u itela vhone.

<sup>142</sup> Fhedzi elelwani, Mudzimu o vha e na khathutshelo, huno A—A... Huno mulaedza wa Eliya wo haþula uyo murafho u sa tendi. Mulaedza wa Noaxe wo haþula uyo murafho, huno

wa ñisa khathulo kha avho vho hanaho u u pfa, huno phuluso kha avho vho u tendaho. "Huno sa zwe zwa vha zwi zwone maðuvhani a Noaxe, zwi ðo ralo kha u ña ha Murwa-muthu."

<sup>143</sup> Genesi 6, vha tshi dihangwisa milayo ya Mudzimu! Vha ri, "Milayo ya Mudzimu?" Ipfia la Mudzimu li ri ñamusi, Bivhilini!

Zwino thetshellesani, a thi khou amba izwi kha muñwe muthu muthihi. Ndi na vhudifhinduleli fhedzi, sa mukomana wañu. Ndi na vhudifhinduleli ha u ni vhudza Ngoho yothe, sa Paulo Mukhethwa muhulwane o amba a sa athu tuwa, "A tho ngo tinya u ni ñivhadza negetshedzo yothe ya Mudzimu."

<sup>144</sup> Zwino, Bivhili i a amba, namusi, uri vhasadzi vha songo ñunya mavhudzi avho. A thi londi uri ndi vhareri vhangana vha no amba uri izwo zwo luga; zwo khakhea. A thi londi uri ndi zwivhidzo zwingana zwi no zwi kondelela; Bivhili i kha di ri izwo zwo khakhea. "Ndi ñoniene a tshi ita nga u ralo." Fhedzi vha isa phanda na u zwi ita, naho zwo ralo, vha bvela phanda. Naa vha khou itani? Thalukanyoni dzavho, vha tshi dinakisa, vha elekanya uri vho naka.

<sup>145</sup> Ipfia la Mudzimu li a tsivhudza, a songo ita izwi zwithu. "A songo ambara tshiambaro, kana tshireke, kana tshiñwe na tshiñwe tsho teaho munna," fhedzi u bvela phanda nga ndila i fanaho. Na lingedza u mu litshisa?

Hu pfi, "Naa ni khou huwelela nga ha mini-ha, Mukomana Branham? Naa ndi mini tshi no khou bvela phanda? Mulandu, vhathu vha ni takalela lwa khwine arali ni tshi ðo..." A thi londi, izwo. Ndi londa zwine vhathu vha elekanya. Zwino ni songo mpfesesa nga ndila yo khakheaho. Fhedzi ndi takalela zwine Mudzimu a elekanya, huno *Ili* ndi Ipfia *Lawe*.

Iina, ni a mu vhudza uri zwo khakhea u ita izwo, u do bvela phanda huno a zwi ita, naho zwo ralo. Ni a vhona? Ndi ngani? Vhasadzi kha Vhukriste hothe vha a ita izwi zwithu, huno tshivhidzo a tshi vhonali tshi tshi londa tshiñwe tshithu nga hazwo. Ndi ngani zwo ralo? Vharwa vha Mudzimu vho wela kha nyemulo ya ñama ya tshisadzini na malofha, huno vha hana onoyo Mudzimu na Malofha e a vha renga, u vha fhandekanya na izwo zwithu zwa tshika. Amene. Iyo ndi Ngoho. Ngauralo nthuse Mudzimu, ndi Ngoho.

<sup>146</sup> Na lingedza u mu litshisa? Inwi ni elekanya uri u rera ha Noaxe ho vha na tshiñwe tshikhakhisi-vho? Hai, muñe wanga. Fhedzi ho vha hu mini? Ndi ipfi, lone Ipfia. Huno musi rothe ri tshi vhidziwa Khañuloni, Mulaedza wonoyu une nda khou rera, madekwana a ñamusi, u ðo ñangana na nñe henehafho, Ipfia nga Ipfia. Huno zwenezwo ni khou yo itani? Ndi Tshedza tshitswuku tshi taidzaho.

<sup>147</sup> Ho vha hu na tshipimbi vhukati ha vhasadzi. Ri khou yo... Ri ðo tou vhekanya izwi, ngauri itshi hu

vhasadzi. Huno ni a mangala uri ndi ngani tshifhinga tshothe ndi tshi huwelela nga ha izwi. Zwino ndi khou yo vhea, u wana vhunzhi—vhunzhi ha Manwalo o poselwaho ngomu hafha ri sa athu vala, huno nda ni sumbedza uri ndi ngani. Huno itsho ndi tshone tsho itisaho uri ndi tee u dzula ndi wa ngoho kha ili Ipfi, huno mulanda muňwe na muňwe wa Mudzimu u fanela u dzula e wa ngoho kha Ipfi. Ni fanela u dzula, ngauri hu tea u vha na ipfi huňwe fhethu li tshi vhidzelela li tshi lwa nazwo. A thi londi zwine vhaňwe vhothe vha ita; a ni na vhuđifhinduleli khavho. Inwi ni fhindula sa muthu muthihi. Inwi a ni fhinduli sa Mumethodisi, inwi a ni fhinduli sa Mubaphuthisi, kana Mupentekostala. Inwi ni fhindula sa muthu muthihi, kha Mudzimu, u itela vhutshilo ha inwi muňe.

<sup>148</sup> Huno ri vhona izwi zwiga, huno naho zwo ralo vha bvela phanda na u zwi ita. Mu vhudzeni uri zwo khakhea, vhonani zwine a amba. U na tshipimbi! Izwo ndi zwone kokotolo zwe Efa a ita. Efa o divha zwa khwine u fhira u ita hezwo. Naa o ralo? O vha e na Ipfi la Mudzimu. Ho pfi, “Duvha line wa u la, ilo duvha u a fa.” Zwo ralo, ndi ngani o zwi ita? O vha a tshi ṭoda ndila ya ene muňe. Huno ndi ngani vhasadzi vha tshi do ṭunya mavhudzi avho; ndi ngani vhasadzi vha tshi do ambara izwi zwiambaro, huno Bivhili i tshi ri izwo zwi tou vha kokotolo zwine vha khou tea u zwi ita? Huno tshithu tshine vha khou ita, vhothe vho haṭulwa. Kokotolo. Fhedzi ndi ngani a tshi zwi ita? U na vhunne hawe. Ee, muňe wanga. U khou yo fara ndila yawe. Huno tshihidzo a tshi ambi tshithu nga hazwo. Huno tshihidzo tshi khou tea u vha Muselwa wa Yesu Kristo, huno tsha sa ambe tshithu nga hazwo?

<sup>149</sup> Na vhudza muňwe wavho nga hazwo, ni a zwi divha zwine vha amba? Nga zwinzhi sa u amba, “A hu na Bivhili ya kale i no khou yo ima ndilani yanga u nthivhela u ditakadza.” Zwino zwo tou kokotolo. Inwi ni a vha vhudza uri zwo ḥwaliwa Bivhilini. Oo, vha nga di si ambe ayo maipfi, fhedzi izwo ndi zwone zwine vha bula.

Naa no no vhuya na pfa murero wa kale, “Nyito dzi amba u fhira maipfi”? Zwo ralo, zwenezwo, zwi a ita? Nyito dzi amba u fhira maipfi. A hu londwi zwine na khou amba, vhutshilo hanu—hanu vhu amba nga maanda u swika vha sa koni u pfa vhūčanži hanu. Vhunga ndo amba matsheloni ano, itonu fhufhela n̄tha u swika hune na tshila. Ni a vhone? Nyito dzaňu dzi amba u fhira maipfi anu. Huno ndi khwine ni tshi tou bva huno na zwi amba, ngauri maipfi a vhone vhane a amba. Maipfi anu—anu, a hu londwi zwine zwa vha zwone, nyito dzaňu dzi amba zwine—zwine na vha zwone.

Arali ni tshi amba tshiňwe tshithu tsho fhambanaho na tshine na vha tshone, tshi vha muhoyo. Yesu o amba, “Vhoinwi vhahoi! Naa ni nga amba hani zwithu zwavhudji, ngeno mbilu

i tshi amba, mulomo u amba zwi bvaho mbiluni?" Ni a vhona, vho vha vha tshi khou amba tshiñwe tshithu tshe vha vha vha sa khou tshi amba.

Huno vhasadzi nga u ralo, ndi u zwi amba, yawee, nñenñe, "U ñitakadza."

<sup>150</sup> Naa hu bvelelani? Kha mbingano hu bva...Ngepha huñwe fhethu Bivhilini. Kha mbingano hu bva muano, "u thetshelesa." U thetshelesa? "Mufaramuña, wa vhudele, a re na mishumo mivhuya."

U a ni sea nga ndila i sinyusaho huno a ya kha tshimela tsha luvhanda, ofisi ya muñwe muthu. "Munna wanga..." Iina. Yawee, ndi a zwi timatima izwo.

Inwi ni a vhona dzimmbi ñamusi, u shonisa ho raloho, dzi vhea vhasadzi kha mmbi ya vhupholisa. Arali ulwo lu si luswayo lwa—lwa u nyadza milayo yo tendelwaho vhukati ha ñorobo iñwe na iñwe-vho! Sa izwo vhunzhi ha vhanna vha siho mushumoni, huno vha tea u vhea avho vhasadzi ngeyo nnnda, ngeno Bivhili i tshi ri u tea u "dzula hayani huno a vha muñfaramuña wa vhudele." Fhedzi u vhulunga bugu dza vhasa dzothe, na dzañu, na dzone. Ee. Izwo ndi zwone.

A thi khou amba nga ha vhasadzi vhavhuva zwino. A thi khou posela izwi kha vhoiñwi vhasadzi vhane na vha vhasadzi vha ofhaho Mudzimu zwa vhukuma. Mudzimu a ni fhatutshedze. Izwo zwi kha theiphi, kana huñwe na huñwe ho engedzeaho.

Fhedzi ndi khou amba nga ha, hune na wana huñwe hu no nga hone, ni wana maðana a fumiñhanu nga iñwe ndila. Vha nga si thetshelesa Ipfi. "Vhulungani Bivhili yañu! I rereleñi inwi muñe. A ri ñodi u I pfa." U thetshelesa? Oo!

<sup>151</sup> A nga ñi amba izwi, "Inwi vhudzani muñwe muthu-vho nganea dzañu dza Bivhili. Vhulungani Mudzimu wañu kha muñwe muthu-vho, huno ni nditshe ndi ndothe. Naa ni khou nkhuwelelela mini? Na kathihi a tho ngo ni humbelu u amba izwi zwithu." Ndi a ñivha, fhedzi Mudzimu o ita. Ni a vhona? Ngauralo izwo ndi zwenezwo fhedzi.

<sup>152</sup> Ngauralo vha kha ñi tshinya ndila. U tou fana na zwe vha ita maduvhani a Murena, u tou fana na zwe vha ita nga ñilo ñuvha, ngauralo vha a ita ñamusi, u tou fana. A zwo ngo shanduka. A zwi shanduki. A zwi nga shanduki.

<sup>153</sup> Vhukundavhalai mafhedziselonu vhu wana vhana vhawe. Dzhele i wana tshipida tsha vhasadzi na munna, huno vhudzulavhafu vhu ñzhia tshithu tshothe, izwo ndi zwone kokotolo, mafhedziselonu zwi a vha mila vhothe. Huno u rera hu vhonala hu tshi ña nga ñtha ha miñana yavho. Na kathihi a vha Li thetshelesi. Vha khou yo vha na ya vhone vhañe. Ni nga vha vhudza uri Bivhili i amba Izwi. Vha ri, "Vhulungani Bivhili yañu. Ri khou yo ñitakadza."

<sup>154</sup> Ndi kona u pfa vhañiwe vha vhoiñwi dzikhalañzi ni tshi khou ri zwino, khamusi a vha tou vha hone, fhedzi ndi ni pfa ni tshi ri, "Nnyi, nñe nda thetshelesa munna wanga? Huh! Ndi mu ita uri a nthetsheselese." Fhedzi heneñho ndi hone hune na khakha. "Nda dzula hayani, wa vhudele? A thi londi zwine Bivhili ya amba nga hazwo, inwi nditsheni ndi ndoñhe!" Thetshelesani, khaladzi, izwo zwo vha zwi si kha, murahú kha Zwikhathi zwa Swiswi, ilo ndi ipfi la ñamusi. Izwo na kathihi a zwo ngo bvelela nga maanda murahu ha phanda ha mudalo, zwi bvelela ñamusi na hone-vho. Izwo ndi zwenezwo zwithihi.

<sup>155</sup> Hafhu vha ri, "Ndi musadzi wa musalauno. Ndi dzula Amerika." Zwo luga, izwo a zwi fhiri u dzula tshitumbani tsha nguluvhe ya mboho. Zwo vha zwi si nga iti phambano ñukhu kha Mudzimu uri ni dzulafhi. Ni zwine na vha zwone mbiluni yañu. Izwo ndi zwone. Huno ni songo elekanya, khaladzi, uri ni wa musalauno nga maanda, uri ni muñwe wa vhasadzi avha vha musalauno, vhunga ni tshi ñodou amba ñamusi. Ni bva murahurahu, u ya nga iyi Bivhili, kha zwikhathi zwa swiswi, tshifhingani tsha phanda ha mudalo. Nga tshifhinga tsha Noaxe, izwo ndi musi vho ita zwenezwo zwithihi. Ngauralo a ni tou vha nga maandamaanda wa musalauno, itali, ni ene? Ni a vhona? Iyo ndi ndila ye vha ñifara ngayo shangoni la phanda ha mudalo. Ni a vhona? Huno iyo ndi ndila ine vha ñifara ngayo ñamusi, ngauralo tshi fanela u vha tshikhathi tsha swiswi hafhu, murahu kha swiswi lìhulwane phanda.

<sup>156</sup> Huno inwi munna ane a ño tendela mufumakadzi wañu u zwi ita, a ni tsha vha vharwa vha Mudzimu. Hai, no nga ni a wela ngomu Sodoma, izwo ndi zwone, ni tendela musadzi u ni vhusa. Yawee, nñenñe!

<sup>157</sup> A thi divhi uri ndi ambe izwi kana hai. Ndi khwine ndi tshi fhira itshi tshipida. Fhedzi, zwo luga. Izwi zwi a shavhisa, fhedzi zweþhe kha itshi tshikhathi tshire ra khou tshila khatsho. Inwi ni a vhona tshedza tshitswuku tsho funga, tshi tshi taidza? [Tshivhidzo tshi ri, "Amene."—Mudz.]

Porompiña ya Murena i ño lila, huno  
tshifhinga a tshi tsha ño vha hone,  
Huno nga matsheloni hu ño tsha U Ya Nga Hu  
Sa Fheli, hu tshi penya nahone hu havhuði;  
Zwenezwo vhanangiwa Vhawe vha ño  
kuvhangana (u bva kha buse la lìfhasi) u ya  
Hayani havho phanda ha lutombo.  
Oo, li ño vha ñuvha-de nandi! Zwo luga. Oo, ee!

<sup>158</sup> Na humela murahu ngei Sodoma? Ni songo whilaela, hu na A-bomo yo lindelaho u hu kunakisa hoþhe, izwo ndi zwone, u kunakisa shango ñoþhe. I ño zwi ita. Huno zwenezwo ñoþhe li ño vusuludzwa hafhu, vhunga ro vhona fhasi ha Pfundo la Vhurathi, u itela tshivhalonyana tsha vhatu vho renguluwaho vho

tanganedzaho Murena Yesu, vho vhaho Mukriste, vho rengisaho mbilaelo dzavho na fesheni dzavho dza lino shango, huno vha da kha Yesu Kristo, huno vha tshi sedza Khae nahone Ene fhedzi; kha mbekanyamushumo Yawe i dītukufhadzaho, zwayo, u da huno vha tenda Khae, huno vha tanganedza Vhutshilo Vhu Sa Fheli. Huno arali inwi ni tshi ri ni na Vhutshilo Vhu Sa Fheli, huno na hanedza iyi Bivhili, vhutshilo hanu vhu sa fheli a si Vhutshilo Vhu Sa Fheli vhune Mudzimu a nea. No fhuriwa, nga lufu, huno hu si ha Vhutshilo. Izwo ndi zwone.

<sup>159</sup> Zwino, oo, “Ofhani Mudzimu huno ni vhulunge Ipfi Lawe, ngauri uyu ndi mulayo wo dalaho.” Zwedza zwitswuku zwi khou taidza, huno tshifhinga tsho sendela. Sa zwe zwa vha zwi zwone mađuvhani a Noaxe, ni a vhona, vho dzhia tshithu tsho tendelwaho huno vha tshi shanda. Vho dzhia u la, huno vha dzhia u nwa, huno vha vhea tshifhađo, huno vha vhea izwi zwińwe zwithu zweđhe, huno vha zwi shanda. Zwino, Yesu u lavhelela rię u fhađa haya, ni a vhona; fhedzi itonu sedza zwe zwa itea ngomu haho. U la, U lavhelela uri ri do la, izwo ndi zwone; sedzani zwe zwa itea ngomu haho. U nwa, ri lavhelela u nwa mađi ashu na tshińwe na tshińwe tshine ra tea u ita; fhedzi, vhudzuloni ha izwo, vho zwi dzhenisa ngomu ha zwinwiwa na halwa, na tshińwe na tshińwe, na dzikhokhotheili, vha tshi disa vhasadzi vhavho ngomu. Ni a vhona?

<sup>160</sup> Huno mini-ha nga ha u anda ha vhathu, sa zwe zwa vha zwi zwone mađuvhani a Noaxe? Mini-ha nga ha lunako lwa vhasadzi lu tshi engedzea lu sa fhidzi, u engedzea na u engedzea? Ni a vhona? Tshedza tshitswuku!

Mini-ha nga ha tshifhinga tshine vhasadzi vha do da, musi vha tshi do vha nga ndila ye vha vhe ngayo, “vha dihudzaho, vhadzia-u-dītongisa,” na tshińwe na tshińwe, no kundelwa u vha vhudza tshithu? Rerani Ipfi khavho, vha do bvela phanda na u zwi ita naho zwe ralo. Ni a vhona?

Naa hu do bvelelani? U tou fana kokotolo na zwe zwa vha zwi zwone mađuvhani a Noaxe. Lińwe duvha, munango wa khathutshelo u do valwa. Zwenézwo Luńwalo ū ri, “tshikhethwakhethwa tshi do vha na vhutsi,” izwo zwi amba uri Mupfumeleli o bva khatsho. Huno samusi Ngwana i tshi kha di vha ngei murahu...Vhunga ndo amba matshelomi ano, kana huńwe fhethu he nda vha ndi tshi khou rera, uri, samusi Ngwana i tshee hone u pfumelela, hu kha di vha na khathutshelo. Fhedzi ndi fulufhelo-de line ra vha nalo, musi ri tshi vhona uri tshidimela tsho no di vha bulokoni, musi ri tshi vhona U Da ha Murena, u taidza ha tshedza?

<sup>161</sup> Nga ndila ye nda vha ndi tshi nga amba nga ha zwithu zwe fhambanaho vhunga ri tshi zwi divha uri O fulufhedzisa u zwi ita fhano mađuvhani a u fhedzisela, huno ri tshi zwi vhona henefho phanda havho. Huno zwenezwo ri vhona iyi

thoho madekwana a ḥamusi, ya huriwe u taidza ha tshedza tshitswuku, ha u bvela phanda vhukati ha vhasadzi vhashu, na zwithu nga ndila ine vha khou ita. Ri a vhona uri zwi khou sumba, thanda ya maela iñwe na iñwe—iñwe na iñwe, tshiñwe na tshiñwe, ḥelete iñwe na iñwe, tsumbadevhula iñwe na iñwe, yo vhewa tswititi kha U Da Hawe. Ri kha vhufhelo. A hu na tshiñwe tshithu-vho tshire nda ḫivha uri tshi ḫo bvelela nga nn̄da ha U Da ha Murena.

<sup>162</sup> Huno zwenezwo, khonani yanga i funwaho i re nga nn̄da ha Kristo, naa ni elekanyani nga ha izwi? Naa ni khou tou ḫitika nga... Nga u fhulufhedzea, khonani, ndi todou ni vhudzisa mbudziso i sa kondi. Naa ni khou tou ḫitika nga muñwe munyanyuwo muñuku we na vha nawo, kana tshiñwe, khamusi, tshiñwe tshithu tshe na vha ni natsho? Khamusi no takala nga tshiñwe tshifhinga huno na tshina fhethu hothe-hothe, sa vhunzhi ha vhathe vha vhukhethwa na Vhapentekostała, na Vhanazarini, na Vhukhethwa ha Mufhiri. Vha tenda uri arali vha takala lwo eðanaho u tshina, uri uyo ndi Wone. Huno zwenezwo ni ḫunya mavhudzi anu, na ambara dzishothi? Naa Muya Mukhethwa u nga ni ita uri ni ite izwo, ngeno A tshi zwi hañula Bivhilini?

<sup>163</sup> Mini-ha nga ha inwi a no ri, “Zwo luga, ndi wa tshivhidzo. Ndi Mupentekostała. Ndi Mumethodisi, kana tshiñwe na tshiñwe ndi re tshone. Ndi muraðo! Mme anga ndi muraðo wa ndayotewa ya tshivhidzo. Ndo vha ndi muraðo wa ndayotewa”? Huno maya wonoyo u re kha inwi u khou ni ita uri ni ite zwithu zwine Bivhili ya ni hañula ni tshi zwi ita. Ni a vhona?

Inwi ni ri, “Ndo amba nga dzindimi, Mukomana Branham. Zwino, ni songo farelela hezwo. Ndo amba nga dzindimi, huno uvho ndi vhuñanzi ha Muya Mukhethwa.” Arali vhutshilo hañu... Arali ni tshi kha di ḫunya mavhudzi anu, arali ni tshi kha di ita izwi zwithu zwine Bivhili ya ri ni songo zwi ita; ni nga amba nga dzindimi masiari othe na vhusiku, huno zwi kha di vha zwi si tshithu na Mudzimu. Muri u ḫihwa nga mutshelo wawo.

<sup>164</sup> Ndi khou aluwa. Ndi a zwi ḫivha izwo. Duvha liñwe na liñwe ndi wana u reñwa huswa na vhuñungu. Muñwe na muñwe washu u a ita. Inwi ndi khwine ni tshi amba ngoho. Ndo elekanya, “Mudzimu, u songo ntendela...”

Tshiñwe tsha zwithu zwi ḫungufhadzesaho, ndi u vhona munna kana musadzi we na kathihi a sa ḫanganedze Kristo, huno a sokou tshila e muraðo wa tshivhidzo o aluwaho a sa shumiho, wa vhutshivha u fhira Sañhane ene mune, huno na mu vhona ngei nn̄da, e na tshiñwe tshithu tsho lemalaho tsha kale, “Zwo ralo, ndi a ni vhudza, a thi tendi

kha..." Mudzimu na kathihi... Izwo ndi—izwo ndi... Iyo ndi khare i ofhisesaho ine Sathane a nga nea vhutshilo khare ngayo. Musadzi o aluwaho wa lugungulô, a no ḥodou swika miñwaha ya mahumi a rathi kana ya mahumi mañanu na mavhili, e na mapfura a nembelelaho fhasi ha zwanda zwawe, na maonyeonye tshifhañuwoni tshawe tshothe, huno mavhudzi awe o fhungudzelwa, e nga mivhala mina kana miñanu yo fhambanaho, huno a tshi khou tshimbila a tshi ḥonga o ambara phere ya dzishothi ḥukhu; arali izwo hu si u nea Sathane khare, na kathihi a thi athu u hu vhona, kana muñwe mukalaha o lemalaho.

<sup>165</sup> Oo Mudzimu, ndi a divha uri ndi... Nnee tshilidzi uri ndi songo gungula na kathihi. Huno ndi ḥoda vhutshilo hanga, Murena, ndi ḥoda vhutshilo ha vhathe vhanga... Mudzimu, zwi tendele uri vhutshilo hashu vhu kone u do ambadzwa khare, a hu londwi arali ri tshi tambula, tshiñwe na tshiñwe tshi no itea, ndi vhangana vha no n̄tanutshela.

Ndi divha itshi tshithu tshithihi vhutshiloni hanga, musi ndi tshi khou aluwa, khonani dzanga, ludambwana lu re murahu hanga, hu si kale lu do vha lu tshi khou gidimela nnda, nga u sekena na u sekena, musi ndi tshi khou tsa nga ndila. Huno ndi divha tshithu tshithihi, zwi do khunyelela nga murahu ha tshifhinganyana uri a hu nga vhi na muthu a daho kha nne huno a ri... nkhumbeleni ngeletshedzo. Avho vha no nndivha kha maduvha a vhuswa hanga vha do vha vho no ḥuwa, arali ndi tshi do tshila. Khonani dzanga dzi do vha dzi si gathi na u vha dzi si gathi, musi ndi tshi aluwa zwino.

<sup>166</sup> Huno ndi a zwi divha uri liñwe duvha ndi tea u fa. Ndi fhulufhela uri Mudzimu na kathihi ha tendeli Sathane a tshi nne khare sa munna o aluwaho o lemalaho, a si na dzangalelo, huno mufumakadzi wanga sa musadzi o aluwaho a dzindelaho, kana mufumakadzi wañu, kana inwi nga iyo ndila. Ndi a rabela, mukomana, uri matshilo ashu a newe khare ya mitshelo ya Muya; lufuno, dakalo, u sa fhela mbilu, vhulenda, u kondelela, Ngoho, lutendo, kha Muya Mukhethwa.

<sup>167</sup> Vhutshilo hanga vhu khou sekena. Kha miñwaha i no ḥoda u swika mahumi mararu yo fhiraho ndo ima kha phuluphithi hafha, sa mutukanyana. Madekwana a ñamusi ndi o aluwaho, ndo mela mmvi, nahone ndi na phanda, shada lo hovhamaho; ndo kwashékana. Vhutshilo hanga vhu khou guma, huno madaisi a khou pwashéa ane nda khou tshimbila khao. Musi ndi tshi tsela fhasi nga ludambwana, khonani dzanga dzi vha dzi si gathi. Huno nga murahu ha tshifhinganyana lu do swika fhethu, khamusi, hune nda—nda sa do diphina nga dzinyimbo vhunga zwe nda vha ndi tshi anzela u ralo; huno khamusi

vhađuhulu vhanga, vhana vha do tea u ri, "Ni songo ita uri makħulu vha mukalaha vha vhe na mazħuluzħulu." Zwi nga di da kha hezwo arali nda tshila.

<sup>168</sup> Zwenezwo ndi do da fhasi u swika ndi si tsha kona u bva tshiduloni tshanga. Zwenezwo nga maňwe matsheloni khuli i do dzhena ngomu lufherani, ndi do laedza seli ha mukano, kha lufu, u da lwa nngwana. Lu nga nnzhia fhedzi nga tshanda huno lwa nthanga phanda nda ya seli kha Muñe wanga. A si mutshaeli-wa-phuli wanga. A thi phuli yalwo. Ndi lwone phuli yanga. Kristo o kunda lufu a tshi itela nne. Huno ndi tshithu tshithihi tshine lu nga ita, ndi u nkokodzela Vhuhoneni ha Muvhumbi wanga, "Musi iyi thaberenakele i tshi taħala."

<sup>169</sup> Tshifħinga tsha musi mme a tshi ḥodou vha na lushie, inwi dzhielani nzhele, a thi londi uri o vha e wa tshiħu hani, na uri u na vhutshivha hani. Ni a divha, tshifħinganyana tsha musi ulwo lushie lu sa athu bebwä, mme vha a vuða. Ndi ngani zwo ralo? Musi iyo misipha muñuku kha iyo mbumbelo i tshi khou sudzuluwa na u fhufha nga u ralo, hu na muvhili wa taħdul wo lu lindelaho. Huno musi lu tshi bva kha mme, dokotela kana mubebisi, ane a vha ene a no tea u lu doba huno a lu tshenus, a lu vhanda, a lu dzinginyisa, kana tshiħwe tshithu, huno zwenezwo lu fasha mufemo wa vhutshilo. Huno maya muñuku wa muruħwa u dzhena ngomu halwo, mufemo wa vhutshilo, huno lu vha maya u tshilaho. Huno musi ri na Kristo mbiluni dzashu, huno Kristo a tshi vha wa vhukuma mbiluni dzashu, ndi lushie luṭuku. "Arali iyi thaberenakele ya lifikasi i tshi taħala..."

<sup>170</sup> Yesu o ri, kha Yohane 14. U valani, ndi do amba izwi. O ri, "Mbili dzañu dzi songo dinalea; arali no tenda kha Mudzimu, tendani kha Nne. Ngauri, Muvhusoni wa Khotsi Anga hu na thaberenakele nnzhi. Ndi do ya nda ni lugisela fhethu." Musi iyi thaberenakele ya lifikasi i tshi taħala, ri na iñwe. "Ndi do ya huno nda ni lugisela fhethu, uri ħune Nda vha hone, heneħfo na vhoiñwi ni vhe hone." Vha ḥoda u vha Nae.

<sup>171</sup> Zwenezwo ndi a divha, vhunga uyu riwana muñuku a tshi lila, ngauri mbebo ntswa yo no vhumbiwa; musi vhuñwe vhutshilo hothe vhu tshi kwashea, vhutshilo hothe vhu faho na tshiħwe na tshiħwe tsho tuwa, zwenezwo zwi do dzhia tshiħwe tshithu u ntshenus, huno zwi dzhia lufu. Lufu lu ni nea dženewu, musi lu tshi ni rwa, fhedzi lu tou ni beba fhedzi hafħu Muvhusoni muswa, nga hangei siani liñwe hune ha sa vhe na vhulwadze, vhutħungu, ha sa vhe na vhualuwa, kana tshithu. Mudzimu ri thusē.

<sup>172</sup> Hani, khonani, ni nga kona u vhuya na landula tshiħwe tshithu tsha u ralo, ni tshi vhona uri a hu na mafulufħelo shangoni, nga nṅda ha Yesu Kristo? Zwedza zwitħwku zwi khou taidza.

Tshakha dici khou kwashekana, Israele i khou  
karuwa,

Zwiga zwe Bivhili ya bvumba; (vhasadzi vha  
tshi khou tunya mavhudzi avho, vha tshi  
ambara dzishothi; tshedza tshitswuku tsho  
funga, ni a vhona)

Maduvha a Vhannda o vhalwa, o hwala zwi  
ofhisaho;

“Vhuyani, Oo no balanganaho, kha vhañu.”

Duvha la thengululo li tsini,

Mbilu dza vhathu ðzi khou kundelwa nga  
nyofho;

Dalani Muya, penyisani luvhone lwanu  
nahone lu vhone,

Sedzani nthā, thengululo yanu i tsini!

<sup>173</sup> Ndi a Mu funa. Ndi ḥoda inwi ni tshi Mu funa. Huno musi  
ri tshi kotamisa zwifhātuwo zwashu lwa tshifhinganyana,  
nga ipfi la thabelo, u valani. Zwedza zwitswuku zwi khou  
taidza. Ngafhadzo yo funga. U Da ha Murena ho sendela. U  
amba na dzitshakha. U amba na vhathu. U amba nga zwiga  
na zwimangadzo. Vhunga ro dzhia Sodoma huno ra sumbedza  
ndila ye uyo Muruñwa a da kha Abrahamu, zwiga zwe A zwi  
ita mulilo u sa athu wa, ri a zwi vhona hezwo.

<sup>174</sup> O ri, “Maduvhani a Loto, vho fhaña, vho rengisa.” A  
sedzeni namusi. “Huno sa maðuvhani a Noaxe,” vhasadzi  
vha tshi khou naka, vharwa vha Mudzimu vha tshi khou wa,  
ñama ya muthu i tshi khou luvhiwa nga tshivhumbeo tsha vha  
tshisadzini, na izwi zwithu zweþe zwi no khou itea, zwe ra  
amba nga hazwo madekwana a ñamusi. Tshedza tshi khou  
taidza, U Da ha Murena ho sendela. Naa ni kha di tou vha  
murado wa tshivhidzo?

Naa ni na ngoho, khonani yanga? Naa ni zwi ðivha hani  
uri ni do tshila vhusiku hoþhe? Sedzani Mukomana Way o  
ima hafha nga matsheloni ano, nga tshifhinganyana, a tshi  
tou rembuluwa uri a khaðe muñwe muthu, a wa a fa heneffo  
gondoni lawe. Mudzimu a nga di si vhe wa vhulenda nga  
maanda kha inwi lune a nga ni ñea tshinwe tshifhinga. Inwi a  
ni ðivhi uri ndi nga muniti-de une iyo mbilu ya ita ndivhitho  
yayo ya u fhedza. Zwi elekanýeni.

<sup>175</sup> U Da ha Kristo hu khou taidza zwiga zwaho. Zwi sedzeni.  
Vhonani arali zwe nda ni vhudza madekwana a ñamusi... Zwi  
nga di si vhe zwi takalelwaho nga maanda, fhedzi ndi Ngoho.  
Ndi zwe Mudzimu a amba, huno khezwi.

<sup>176</sup> Vhasadzi a vha ḥodi u dzula hayani. A vha ḥodi u londa  
miþa yavho. Vha tou hira mu-linda-lushie huno vha bva vha  
ya tshimimani huñwe fhethu. Ndi vha vhukundavhalai, zwithu  
zweþe zwi khou itea; vha tshi khou fhungudzela mavhudzi

avho, vha tshi khou ambara dzishothi, zwidolo. Muengedzo u khou naka na u naka. Vhathu, vharwa vha Mudzimu, vha khou wa. Ndi mureo une Sathane a u shumisa, vharwa vha Mudzimu vha wela ngomu hawo. U tou fana na Yesu o amba, zwi tea u bvelela. O amba uri zwi do vha hone, huno ngezwi. O ri, "Musi izwi zwithu zwi tshi khunyelela, uyu murafho u nga si lovhe," huno iyo ndi miwaha ya fuina, "u swika izwi zwithu zweithe zwi tshi khunyelela." Itonu zwi elekanya.

<sup>177</sup> Naa ni kha di tou vha murado wa tshivhidzo? Naa no ita tsho khakheaho? Sedzani huno ni fhende vhutshilo hañu, madekwana a ñamusi, vhanna, vhasadzi. Qisedzeni, sedzani phoswo dzañu. Mini-ha, zwino kha tshiimo tshañu tsha zwino, arali Kristo o vha e kha liphasi a tshi khou rera izwi? Inwi ni ri "Arali—arali O vha a tshi do vha, arali ndo vha ndi tshi do vha ndo Mu pfa a tshi rera hezwo, ndo—ndo vha ndi tshi do vha ndo rembuluwa." Arali no vha ni tshi do vha no ralo, Ili ndi Ipfi la Ene Muñe madekwana a ñamusi, ni do zwi ita zwino. Arali ni si na Mudzimu, nahone ni tshi ñivha . . .

<sup>178</sup> "Oo," inwi ni ri, "Ndi wa tshivhidzo. Ndo amba nga dzindimi. A—a thi . . ." Zwino izwo ri zwi vhetshela thungo. Qisedzeni, tolani vhutshilo hañu nga Ipfi la Mudzimu. Naa ni uyo muthu a no do tuwa huno a ri, "A thi londi zwine Bivhili ya amba. Mukomana Branham, ndi elekanya uri ni a khakha"? A si nñe a no khou khakha. Arali hu na tshiñwe tshithu tsho khakheaho nga hazwo, Ndi Ipfi.

Huno inwi a ni athu ñivha Mudzimu, nahone a ni na ngoho ya uri arali Yesu a tea u da nga ino awara ni do vha no lugela u tuwa. Ndi ngani ni tshi do tamba, ngeno ni tshi vhona lufu lu tsini nga maanda, ngeno ni tshi vhona vhufhelo vhu tsini nga maanda?

<sup>179</sup> Arali hu na muñwe-vho hafha, zwifhañuwo zwañu zwe kotama zwino, a no do toða u elelwa thabeloni musi ri tshi vala, ni nga imisa tshanda tshañu huno na ri, "Mukomana, nthabeleleni." Mudzimu a ni fhatutshedze, khaladzi. Mudzimu a ni fhatutshedze, mukomana, khaladzi. Oo, nga hangei ha tshifhañu.

<sup>180</sup> Izwo ndi zwone, kha ri tou dilavhelesa nga vhusedzi zwiñtu zwino. Vhoinwi dzikhataldzi zwino, nga lutendo luvhuya twothe na fhulufhelo, itonu elekanya nga hezwi. "Naa nñe ndo thetshesela Mudzimu zwa vhukuma? Zwa vhukuma, naa lutamo lwanga lu ngafhi? Mukomana Branham, ndi—ndi—ndi—ndi kha di ita izwi zwithu. Ndi—ndi pfa ndi wavhudzi. Ndi pfa ndo takala."

Naa ni a zwi ñivha uri vhahedeni na vhone vha pfa vho takala? Ni a ñivha, munna o kambiwaho o tou takala, nga halwa, sa zwine inwi na vha zwone, thuhuwedzo ya halwa? Huno arali no takadzwa nga tshiñwe tshithu tsho

fhambanaho na Ipfi la Mudzimu, ndi diabolo. Arali ni tshi ri, “Ndo fushea tshivhidzoni tshanga,” huno na pfa Ipfi la Mudzimu li tshi rerwa, huno na si andane Nało, no hevhedzwa nga tshithu tsho khakheaho, a hu londwi uri ndi u hevhedzwa-de haṇu. Ndo no vha vhona vha tshi zhamba, huno vha fhufha nahone vha huwelela, na-na tshiñwe na tshiñwe, huno vha nwa malofha nga dethele la muthu, huno vha vhidza diabolo, izwo ndi zwone, vha tou takala sa zwine ni nga vhuya na vha zwone. Vhuhedeni vhu bveledza saikholodzhi nnzhi sa tshiñwe tshithu-vho, maanda a saikholodzhi a thalukanyo. Fhedzi tshenzhemo ya Kristo ndi ya mbilu, i no shandukisa tshivhumbeo tshothe, ya shandukisa muthu a vha tshivhumbwa tthiswa. Žwi elekanyeni, zwa vhukuma nga maanda.

<sup>181</sup> Disedzeni. Itonu humbulela tshivhoni tshi phanda haṇu, ni khou qisedza. “Naa ndi a fhulufhedzea? Naa ndi a fulufhedzea? Naa nne zwa vhukuma, mbiluni yanga, ndi a shumela Murena?”

<sup>182</sup> I ri ni, “Ndi a Mu shumela.” Huno ni sedze ngomu, vhoiñwi vhasadzi ni re na mavhudzi o fhungudzelwaho, ni no ambara dzishothi. Sedzani inwi a no ita izwi zwithu. Sedzani inwi munna a no tendela vhaftumakadzi vhaṇu u zwi ita; i ri ni, “Naa ndi murwa wa Mudzimu? Naa ndi Musodom?” Vhoiñwi vhasadzi ni ri, “Naa zwa vhukuma ndi musadzi wa musalauno, kana ndi tshiñwe tshithu tsha phanda ha mudalo tshe Yesu a amba uri tshi do vha fhano mađuvhani a u fhedzisela hafhu?” Zwi elekanyeni tshothe. Disedzeni.

<sup>183</sup> Ni a vhona, vhuvha haṇu vhu bula zwine na vha zwone. Huno arali ni songo luga, naa ni do vha a fhulufhedzeaho lwo edanaho fhedzi u... Ivhani a fhulufhedzeaho zwino, imisan tshanda tshaṇu, ni ri, “Kristo, a thi khou takusela tshanda tshanga kha Mukomana Branham kana kha muñwe muthu nga nda ha Iwe, fhedzi ndo khakha. Nkhangwele. Mukomana Branham o fulufhedzisa u nthabelela, zwino ndi khou yo imisa tshanda tshanga, nda ri, ‘Yesu, nkhathutshele madekwana a ñamusi. Ntshidze u tshi itela Kristo. A thi khou ḥodou xela. Uvhu vhutshilo hothe he Wa nñea hone, vhu do vha tshithu tshi sa takadziko nga maändesa arali ndi-arali ndi tshi tou vhu posela kule, musi ndi na itsi tshifhinga tshavhuđi madekwana a ñamusi tsha u vhona zwa vhukuma nga mađo anga uri zwedza zwitswuku zwi khou taidza thungo iñwe na iñwe; U Da ha Murena, pfulufhedziso ya uri U do sumbedza izwi zwiga, na uri U do fhodza vhalwadze, U do vusa vhafu, U do pandela vhodiabolo; hu do vha na tshivhalonyana—tshivhalonyana, vhathu vha si gāthi fhedzi, vhuļuku fhedzi vhune shango la do vha li tshi khou tambo ngaho, huno li tshi vhu vhidza nga madzina mavhi, na zwiñwe-vho, nga u ralo.”

<sup>184</sup> Huno vha tea u ri vhidza nga madzina mavhi. Vha tea u vhidza Ngoho nga madzina mavhi. Yesu o ri, “Ane a amba ipfi a tshi lwa na Murwa-muthu, zwi do hangwelwa, musi O vha a tshi khou ita zwenezwo zwithihi zwine na zwi vhona zwi tshi itwa.” A ri, “Fhedzi ane a do amba a tshi lwa na Muya Mukhethwa, musi U tshi da u ita zwenezwo zwithihi, na kathihi a nga si do hangwelwa kha liño shango.” Ni a vhona, vha tea u ita hezwo. Hu tea u vha na Mulaedza wa u ralo, u ita uri vhathu vha tambe Ngawo, u sumbedza u lulama ha Mudzimu u haṭula shango lothe huno a li tshinyadza.

<sup>185</sup> Musi hu tshee na khathutshelo na muñwe o imaho vhukati, Yesu Kristo, na muñango wo vulwaho madekwana a ñamusi, naa ni nga si Mu ḥanganedze, khonani yanga?

<sup>186</sup> Zwino, nga ndowelo, ndi idani kha alitari. Izwo zwo luga. A thi lwi nazwo. Fhedzi Luñwalo, Lwo ri, “Vhanzhi vho tendaho vha lovhedzwa.” Zwi tshi bva mbiluni yañu yothe, arali ni tshi do ñekedza vhutshilo hanu kha Yesu Kristo heneffho no dzulaho hone, heneffho he A amba na inwi musi no imisa tshanda tshañu!

<sup>187</sup> Uyo Mudzimu a sa shanduki we a kona u vhidza uyu munna murahu vhutshiloni, o lala o fa heneffha phanda hanga matsheloni ano, u khwañhisedza kha vho inwi uri ndi khou ni vhudza Ngoho. Naa ndi nmyi ane a nga vusa vhafu nga nnđa ha Mudzimu? Izwo ndi zwone. Ngauralo a si mufunzi wañu—wañu mutuku o kwasheaho hafha, ndi Kristo a no ni funa. Huno U khou ni bulela madekwana a ñamusi, “No pfa Ngoho. No vhona Ngoho. I bva kha Ipfi Łanga. No vhona Ipfi Łanga li tshi vhidza murahu. No vhona Ipfi Łanga li tshi bvumba izwi zwithu. No zwi vhona zwi tshi bvelela kokotolo kha iyi miñwaha yothe, hu si na u kundelwa na huthihi.”

<sup>188</sup> Zwino naa ni do itani nga Yesu, musi tshedza tshitswuku tshi tshi khou taidza? Ndi ngani ni sa iti izwi, na posela fhasi iyo saga ya kale ya nduhu dza shango! Ndi ngani ni sa poseli fhasi uyo magazini wa kale wa *True Story*, na itsho tshithu tsho latwaho tsha kale—tsha kale tshine na khou kokodza maya wañu ngatsho duvha liñwe na liñwe! Ndi ngani ni sa sudzulusi iyo thelevishini khudani huno na i rembulusa, arali i tshi khou ni kundisa u ya tshivhidzoni! Ndi ngani ni sa vhetsheli thungo muhwalo muñwe na muñwe une wa ni tanga nga ndila i leluwaho nga maanda! Ndi ngani ni sa imiseli mbilu yañu kha Kristo, huno na ri, “Kristo, madekwana a ñamusi ndo fhela. Ndi khou dilugisa. Ndi a vhona uri U khou da. Ndi khou dzhia phuthumennde, Bivhili ya Mudzimu, yo dalaho Vhutshilo Vhu Sa Pheli, huno, u bva zwino, ndi do tshila nga zwi bvaho kha Heyi!” Naa ni nga si zwi ite, musi ri tshi rabela?

<sup>189</sup> Khotsi ashu wa Ṭadulu, ndi sa khou amba u vha na swili, na luthihi, Murena. Fhedzi Mulaedza wo livhanywa na

tshifhinga, hu si kha vhatu, hu si kha muñwe muthu-vho, fhedzi wo livhanywa na tshifhinga. Ho vha hu tshifhinga tshe Muya Mukhethwa wa vhonala u tshi nkombetshedza u theipha hoyu. Vhunga nga murahu ha zwifhinga zwinzhi, zwinzhi kha iyi phuluphithi, ye ra sumbedza mađuvha a Loto, mađuvha a Sodoma, mađuvha e Yesu a amba ñga hao, zwiga zwa tshifhinga, u ða ha Murena, nga ndila nnzhi. Huno zwenezwo nga murahu ha hezwo zwe ñda amba nga maanda ndi tshi lwa na vhasadzi vha lino ñuvha na u mona na shango, zwenezwo, Khotsi, ndo elekanya uri hu ðo vha Muya Mukhethwa u ambaho na nne uri ndi vhudze vhatu uri ndi ngani ndo ita hezwi. Ndi ngauri Ipfi Łau ño hevhedzwaho ño phuletshedza nga maanda mbiluni yanga, u swika ndi si tsha tou kona u fhumula.

<sup>190</sup> Zwinwe zwanda zwi no todou swika mahumi mañanu kana mahumi mañanu na mavhili na zwiñanu ngomu tshifhatomi zwo ya ñtha, Khotsi, kha Ipfi la Murena li re gaga, li tsheaho. Fhedzi ño vha ñisa kha dzhenewo, u vha ñivhadza uri ndhevha i khou lila; vhakhethwa vhothe vha khou kuvhangana fhethu huthihi; tshakha dzi khou kheruwa dza bva zwipiða; zwiga zwa U ñDa; zwedza zwitswku zwi khou taidza. Huno ri a vhaba, nga nyito, zwo livhanywa na vhasadzi vhashu madekwana a ñamusi vha lino ñuvha, uri ndila ye Bivhili ya amba uri vha ðo vha ngayo, huno ngevha.

<sup>191</sup> Ipfi li sa kundelwi la Yesu Kristo ño ri tsivhudza uri ri sedzese mađuvha a Noaxe huno ri a vhambedze na ñuvha line ra tshila khalo. Huno zwenezwo musi ro no vhaba izwo zwithu zwi tshi bvelela, vhasadzi vha tshi vha vhavhuði, huno vharwa vha Mudzimu vha tshi khou vha dzhia, na nga ndila ine izwi zwithu zwa ðo vha ngayo, zwenezwo ri a zwi ñivha uri uyo murafho u ðo vhaba U ñDa ha Murena. Zwenezwo, ri a ñivha tshedza tshi taidzaho, u ða Hawe hu tsini.

<sup>192</sup> Ndi a rabela, Khotsi wa Tađulu, uri U ðo fhañtshedza muñwe na muñwe o imisaho tshanda tshawe. Ndi—ndi nekedza fhedzi iyi thabelo ya u ñitukufhadza, ya u fulufhedzea, huno ndi a ñivha uri U ðo mpfa. Wo vha wa vhulenda nga maanda kha Mukomana Way matsheloni ano, u tendela thabelo ya u ñitukufhadza ñukhu i tshi thomisa iyo mbilu u ñivhitha hafhu, lufuno lu fulufhedzeaho kha mukomana we a wela shumbini la mufumakadzi wawe, tshivhumbeo tshi rotholaho nahone tsho faho. Murena, vhatu kha vha ñivhe madekwana a ñamusi uri u fa tshivhini na dziphambuwoni zwi na khombo nga maändesa u fhira u fa lufu lwa muvhili; ngauri a hu na ane a nga ni fasha nga itsho tshifhinga, arali na fhira nga phanda ha lupila, tshivhini na dziphambuwoni.

Zwi tendele madekwana a ñamusi, Murena, zwenezwo, myua muñwe na muñwe wo imisaho zwanda zwawo; ndi

nekedza iyi thabelo nga Dzina la Murena Yesu; uri hu do vha na mvutshelano yo raloho i no do da vhutshiloni havho, uri hu do vha na ndivho yo raloho mbiluni dzavho, i no vha na ndivho mbiluni dzavho ya uri vha nga si tsha itela Mudzimu tshivhi; uri vha do ima, u bva kha ino awara, kha Ipfi la Mudzimu la U Ya Nga Hu Sa Fheli, lo fhaṭutshedzwaho huno vha kanzwiwa nga Muya Mukhethwa Wawe, huno vha rangwa phanda kha ndila dza Vhutshilo, duvha na duvha, musi vha tshi fara lwendo lwa u ya phanda u bva nga ino awara, u bva zwino.

<sup>193</sup> Zwino, Khotsi wa Tađulu, zwi nga itea nda si tsha vha vhona na kathihi, zwi nga itea nda si tsha kona na kathihi u khada tshanda tshavho tsha qama fhano kha ili lifhasi, naho ndi tshi do takalela u zwi ita. Fhedzi, Murena Mudzimu, ndi rabela uri iyi thabelo i do fhindulwa. Huno Wo amba kha Ipfi Lau, “A no do pfa Ipfi Langa, huno a tshi do tenda kha We a Nthuma, u na Vhutshilo Vhu Sa Fheli; huno a nga si de Khaṭhuloni, fhedzi o bva lufuni a ya Vhutshiloni.” Nga ndila yanga ya u diṭukufhadza ya u disa Ngoho ya Mudzimu, madekwana a namusi, vhanzhi vho pfa Ipfi. Zwino, Wo fulufhedzisa uri U do vha tshidza, huno vhone “a vha nga lovhi,” uri, a hu na muthu a no do vha bvisa tshandani Tshau, uri U do vha vusa maduvhani a u fhedzisela, a hu na luvhudzi na luṭhihi lwa thoho dzavho lu no tea u lovha. Wo zwi fulufhedzisa.

<sup>194</sup> Zwino, sa thabelo, sa mulanda, Murena, nahone sa mukomana kha—khavho, ndi—ndi rabela iyi thabelo huno nda vha vhea zwandani zwa Mudzimu, uri u vhaiswa na huthihi hu songo vhuya ha kona u da khavho, na uri Saṭhane ha nga vha bvisi tshandani tsha Mudzimu. Vha Vhau, dzikhaphu. Huno ndi a fulufhela uri U do vha nea vhutshilo vhulapfu, na uri arali zwi tshi konadzea, u vha tendele u vhona U Da ha Murena Yesu. Ngavhe vha tshi ṭuwa fhano madekwana a namusi, huno vha ya u vha vhawini vha mimuya, u vhudza vhařiwe, u vha disa kha ndivho i tshidzaho ya Kristo. Zwi tendele. Zwoṭhe zwi zwandani Zwau, Khotsi. Nga Dzina la Yesu Kristo.

<sup>195</sup> Huno zwino ro kotamisa zwifhaṭuwo zwashu lwa tshifhinganyana fhedzi. A thi diṭhi arali muthu o raloho a hone zwino, a no pfa uri musi ro vha ri thabeloni uri—uri tshiñwe tshithu tshi si tsha misi tsho bvelela mbiluni yanu, huno ni a pfa uri u bva zwino ni khou yo tshila vhutshilo ho kumedzwaho kha Kristo, nahone ni vhona U Da ha Murena ho sendela, ni tenda uri zwe nda rera zwo vha zwi Ngoho, nga ha itshi tshedza tshitswuku tshi taidzaho, tsha ndila ine zwithu zwa vha ngayo. Huno—huno ni a pfectesa uri ndi Ipfi la Murena, ngauri ndi Kristo, huno ni a tenda, u bva madekwana a namusi, ni do tshila vhutshilo ha khwine, ha tsini na Kristo, ngauri thabelo ye na rabela madekwana

a namusi na u dibula he na u ita. Huno tshifhaṭuwo tshaṇu tsho kotama, ni khou tou imisa tshanda tshaṇu, na ri, “Ndī a zwi tenda. U bva kha vhuno vhusiku, ndi ḍō tshila vhutshilo ho fhambanaho.” Mudzimu a ni fhatutshedze. Izwo ndi zwavhudzi. Izwo zwi tou mangadza. Ndi tenda u amba uri kaṭukuṭuku muṇwe na muṇwe, thaṇwe, we a imisa tshanda tshawe tshifhinganyana tsho fhiraho, o imisa tshanda tshawe murahu uri o zwi ṭanganedza.

<sup>196</sup> Zwino arali na kathihi ni songo lovhedzwa nga Dzina la Yesu Kristo u itela khangwelo ya zwihi, elelwani, “A hu na liṇwe dzina fhasi ha Taḍulu lo nekedzwaho vhathe line na fanelu u tshidzwa ngalo, nga nn̄da ha Dzina la Yesu Kristo.” Elelwani, hu na Muselwa muthihi fhedzi, Muselwa wa Kristo, huno uyo u hwala Dzina Ḽawe.

<sup>197</sup> Zwino, huno arali na kathihi ni songo lovhedzwa nga u mbwandamedzwa mađini, nga Dzina la Yesu Kristo, nne sa mulanda Wawe kha ndi... Arali Mudzimu o ni sumbedza nga zwiga na zwimangadzo, na nga Ipfi Ḽawe, uri ndi amba Ngoho; ndi a ni laya sa Paulo Mukhethwa o ita, kha Mishumo 19, we a wana tshivhalonyana tsha Vhabaphuthisis. Vho vha vho no lovhedzwa nga Yohane Mulovhedzi. O ri, “Naa no ṭanganedza Muya Mukhethwa tshee na tenda?”

Vha ri, “Ri ḫivha... arali hu na Muya Mukhethwa-vho.”

A ri, “Zwenezwo no lovhedzelwa kha mini?”

Vha ri, “Ro no ḫi lovhedzwa, nga Yohane Mulovhedzi, nn̄da ngei Yorodane, munna onoyo muthihi we a lovhedza Yesu Kristo.”

<sup>198</sup> Iyo i ḫo vha ndovhedzo i mangadzaho, fhedzi Paulo a ri, “A i tsha shuma zwino.” A vha laya uri vha ḫo tea u lovhedzwa hafhu, nga Dzina la Yesu Kristo, Mishumo 19:5.

Huno Paulo a ri, “Arali Muruṇwa a tsa a tshi bva Taḍulu huno a rera maiwe mafhundo-madifha-vho a si Haya e nda a rera, kha vhe o seṇwaho,” Vhagalata 1:8. Zwenezwo a dovhoholola hafhu, a ri, “Vhunga ndo no amba, ngauralo ndi a amba hafhu. ‘Naho Muruṇwa,’” ri sa ambi mushumeli, mubishopo, mupapa, kana tshiṇwe na tshiṇwe tshire tshi nga vha tshone, “arali Muruṇwa a tsa a tshi bva Taḍulu, ene—ene Mukerube a tshi bva Maṭaḍulu, huno a rera maiwe mafhundo-madifha a si Hayo, kha vhe o seṇwaho.”

Zwenezwo, ndi a ni laya, arali na kathihi ni songo lovhedzwa nga Dzina la Yesu Kristo, musi mađi e dzivhani, na dzinguvho dzo lindela, iđani huno ni lovhedzwe, “Ni tshi khou vhidzelela Dzina la Murena, huno ni ḫo ṭanganedza tshifhiwa tsha Muya Mukhethwa; ngauri pfulufhedziso ndi ya vhoiwi na ya vhana vhaṇu, na avho vha re kule, na vhanzhi vhane Murena Mudzimu washu a ḫo vha vhidza.”

<sup>199</sup> Khotsi ashu wa Tađulu, zwino zwi kha Iwe. U fhembeledza muthu, ndi a lingedza; fhedzi u ita muthu, ndi nga si kone. Huno Iwe a u shumi u tshi lwa na lufuno lwa muthu; ngauri, arali munna kana musadzi o telwa Vhutshilo Vhu Sa Pheli, musi Tshedza tsha Mudzimu tshi tshi taidza kha iyo mbeu, i do da Vhutshiloni. Huno arali hu na Vhutshilo vhukati hashu madekwana a ɿamusi, Khotsi, he Wa taidzela Tshedza Tshau khaho, huno vho vhona Ngoho, ngavhe vha tshi tshimbila nga u ɿitukufhadza nahone zwavhud̄i vha tshi ya dzivhani, u lovhedzelwa ngomu Dzinani la Murwa Wau a funwaho, Yesu Kristo.

<sup>200</sup> Zwine, ri a zwi dihva uri muthu muñwe na muñwe Luñwaloni o do tea u lovhedzwa, na u dovha u lovhedzwa. Avho vhe vha vha songo lovhedzwa nga Dzina la Yesu Kristo, vho do tea u lovhedzwa hafhu. Huno muapostola muhulwane, we a vha e na khii dza Muvhuso, o amba nga ɿuvha la Pentekoste, "Shandukani, nothe, huno ni lovhedzwe nga Dzina la Yesu Kristo u itela khangwelo ya zwivhi zwañu, uri zwivhi zwañu zwi kone u farelwa, huno zwenezwo pfūlufhedziso ya Muya Mukhethwa ndi ya vhoiñwi." Zwi tendele uri zwi do itwa madekwana a ɿamusi, nga muelo wo ɿalaho, Khotsi.

<sup>201</sup> Ndi vha kumedzela kha Iwe zwino. "Dzhia aya maipfi a si gathi na u elekanya ha mbilu yanga, huno ngavhe hu tshi tanganedzwa mañoni Au, Oo Murena." Huno gima kha vhana Vhau, huno u vha nee Vhutshilo Vhu Sa Pheli. Tshidza avho vha no tshidzea vhothe, huno u fhodze avho vhane vha lwala. Ngavhe tshilidzi tsha Mudzimu tshi tshi vha kha muñwe na muñwe wawho, musi ri tshi vha kumedzela kha Iwe zwino, Dzinani la Yesu.

<sup>202</sup> Zwino zwifhañuwo zwashu two kotama, ndi khou yo humbela khaladzi ashu a no lidza piano uri a de ngeno. Lwa tshifhinganyana, tshi ɿoðaho u vha miniti miñanu yo engedzeaho. Huno arali hu na muñwe-vho a no tama u lovhedzwa zwino, o dibulaho huno a tenda. Arali ni tshi tenda uri Yesu Kristo ndi Murwa wa Mudzimu, huno ni tshi zwi tenda nga mbilu yanu yothe, hu si fhedzi-fhedzi zwa nyanyuwo, fhedzi ni tshi zwi tenda, huno no ɿilugisela u ɿibula uri no khakha; huno a no ngo ima kha vhukoni ha inwi muñe, fhedzi kha zwe A ita; huno no lugela u tshimbila na ya phanda, u dzhia Dzina Lawe ndovhedzoni ya madini, na vha muraðo wa Muvhili nga Muya Mukhethwa; zwenezwo, lufhera lwa vhasadzi lu kha tsha u la tshanga, huno lufhera lwa vhanna lu kha tsha monde tshanga, na dzinguvhon na zwithu two luga.

<sup>203</sup> Musi ri tshi kotamisa zwifhañuwo zwashu, musi khaladzi ashu a tshi khou lidza, "Ndi a pfa Mutshidzi wanga a tshi khou vhidza," arali murangaphanda wa dzinyimbo a tshi do ri nea ipfi ɿituku la holwo. Zwifhañuwo zwashu two kotama zwino,

tshumelo i tshanđani tsha Mudzimu Ramaandaøthe zwino; kha ane a tama u lovhedzwa; ane a tama u dzena ngomu ha phera dza thabelo u rabelela ndovhedzo ya Muya Mukhethwa, hu na vhagudisi fhano vha no ðo lugela u gudisa kana u ita tshiñwe tshithu. Ngavhe Maipfi a sa weli liphedzi, fhedzi ngavhe a tshi phetha izwo zwa ndivho. Zwifhañwo zwashu zwo kotama, ngavhe ri tshi rabela zwino. Huno, huno hune A ni ranga phanda, tevhelani.

Ndi a pfa wanga...

Zwino rabelani, Mukriste muñwe na muñwe.

Ndi a pfa Mutshidzi wanga...

Naa no kona u Mu pfa a tshi vhidza, musi A tshi vusa munna o faho matsheloni ano?

Ndi a pfa...

Naa no kona u Mu pfa a tshi vhidza, musi ni tshi pfa Ipfi li tshi khou taidza Tshedza Tshañlo tshifhingani tsha vhufhelo?

Ndi ðo enda Nae, ndi Nae...

Naa ni a funa u enda ndilani yoøhe?

Hune A...

Mudzimu a ni fhatutshedze, mukomana wanga. Vhanna kha tsha monde. Vhasadzi kha tsha u la. Ndi...

Hune A nnyisa hone ndi ðo tevhela,

Hune A nnyisa hone...

Bivhili yo ri, "Vhanzhi vhe vha tenda vha lovhedzwa."

. . . tevhela,

Ndi ðo enda ndi Nae, ndi Nae ndilani yoøhe.

Ndi ðo enda ndi Nae tshikovhani,

Ndi ðo enda ndi Nae tshikovhani,

Muya Mukhethwa . . . ? . . .

Ndi ðo enda ndi Nae kha...

Arali muñwe muthu a tshi ðo ya na vhasadzi nga hangeno, nga nthani ha u ñoda Muya Mukhethwa, dzenani lufherani kha tsha u la, vhañwe vha vhoiñwi dzikhaladzi no gudiswaho Murenani.

. . . ndilani yoøhe.

Hune A ðo nnyisa...

Naa ni nga amba nga u fhulufhedeza uri, "Hune A nnyisa hone ndi ðo tevhela"? Naa ni ðo zwi ita? Hune ilo Ipfi lituku la amba na inwi, naa ni—naa ni ðo ya hune A ni isa hone? Sedzani tshedza tshitswuku. Ni a vhona tshedza tshi tshi taidza? Ri tshifhingani tsha vhufhelo.

Hune A nnyisa hone ndi ðo tevhela,

Ndi ðo enda ndi Nae, ndi Nae ndilani yoøhe.

Ndi a pfa Mutshidzi wanga . . .

Naa U amba hani? Nga Ipfi Lawe, mbiluni yanu. Naa ni do da zwino? Iyi ndi thambo yanu. Eéléwani, arali zwi tshi bvelela ri sa athu kuvhangana hafhu, no tsivhudzwa.

. . . pfa Mutshidzi wanga a tshi mmbidza,  
“Dzhia tshifhambano tshawu, hunu u tevhele, u  
tevhele Nne.”

Hune A . . .

Zwino vhañwe vha vharathu, u itela dzindaela, vha do dzhena lufherani hafha kha tsha monde tshanga, na vharathu vha tshi khou ñilugisela ndovhedzo. “Hune A nnyisa . . .” Vhañwe vha vharathu vha re vhashumeli hafha, iðani huno ni ri thuse, dzenani lufherani navho.

. . . tevhela,  
Hune A nnyisa hone . . .

Naa ni khou zwi amba zwa vhukuma?

. . . tevhela,  
Ndi do enda ndi Nae, ndi Nae ñdilani yothe.

<sup>204</sup> Zwino, lwa tshifhinganyana fhedzi. Zwino, arali ni songo lovhedzwa maðini, nga u mbwandamedzwa nga Dzina la Murena Yesu Kristo. Hu tshi tou vha fhedzi maimo, “Khotsi, Murwa, Muya Mukhethwa,” na kathihi ho ngo vha na muthu Bivhilini yothe, a ho ngo vha na muthu na muthihi, we a vhuya a lovhedzwa Bivhilini, nga Dzina la “Khotsi, Murwa, na Muya Mukhethwa,” nga uvho vhuimo. A hu na muthu we a vhuya a lovhedzwa tshivhidzoni, kha ñivhazwakale, kha miñwaha ya maðana mararu ya u thoma thungo ino, muñwe na muñwe o lovhedzwa nga Dzina la Murena Yesu Kristo, u swika kha Khoro ya Nicaea ngei Nicaea, Roma, he tshivhidzo tsha Roma Katolika tsha dzudzanywa, zwenezwo vho ita zwiimela zwa maimo a “Khotsi, Murwa, Muya Mukhethwa.”

<sup>205</sup> Arali ho vha hu na muñvhazwakale, mushumeli, muñwe muthu-vho, mucani, kha theiphi, ane a nga kona u bveledza Luñwalo luthihi kana kupida kuthihi kwa ñivhazwakale, he muñwe muthu a vhuya a lovhedzwa nga inwe ñdila-vho nga nnda ha Dzina la Yesu Kristo, u swika tshivhidzo tsha Roma Katolika ngei Nicaea, Roma, ni kombetshedzwa nga mushumo u tshi disa kha nne, nne nda humbela pfarelo. A hu na tshithu tsho raloho. Hai. Huno muthu muñwe na muñwe we a lovhedzwa nga u mbwandamedzwa, we a sa lovhedzwe nga Dzina la Yesu Kristo, o laiwa, vha sa athu dzhena Vhugalani, u vhuya huno a lovhedzwa hafhu. Zwino zwi kha inwi.

<sup>206</sup> A hu na Luñwalo Bivhilini, he vhañwe vhathu-vho vha vhuya vha lovhedzwa, vha tshi shumisa dzina la “Khotsi, Murwa, na Muya Mukhethwa,” vhunga vhathu vha tshi lovhedza ñamusi. Ndi ndaela ya Katolika, Roma Katolika ye ya

nekedzwa nga Martin Luther, na John Wesley, ye ya dzulela u gidimela phanda. Huno Bivhili i a bvumba uri zwi do vha nga iyo ndila, huno u gidima hu do fhela maduvhani a u fhedzisela, huno munango u do vulwa, vhunga ri tshi kha di bva u fhira kha zwikhathi zwa tshivhidzo u zwi vhona.

<sup>207</sup> Zwi kha inwi. Ndi tou vha muqinda wa Mulaedza. Luthihi hafhu, kha ri zwi tende. Miqango yo vulwa. Fhethu ha ndovhedzo ho qala, huno a hu na tshiitisi... Hu na nguvho dzo lugiswaho, huno ri do vha vho lugelaho u lovhedza nga miniti i tevhelaho i si gathi.

<sup>208</sup> Arali ni fhano huno ni songo lovhedzwa, luthihi hafhu kha ri imbe, huno ni de, a ni nga do ralo? Khunyeledzani...

<sup>209</sup> Inwi ni ri, "Ndo diimisela u ita hezwo linwe duvha, Mukomana Branham." Ilo linwe duvha li nga di tangana na inwi vhunga lo ita Mukomana Way matsheloni ano, fhedzi khamusi tshilidzi tsha sa tevhele, vhunga tsho ita. Inwi ni nga tuwa muniti muñwe na muñwe. Kana ni muswa, arali na tshila vhusiku hoqhe, ni do... Huno arali ni na miñwaha ya mahumi maqanu na mavhili, ni do lalama u fhira vhunzhi ha vhatu vha miñwaha ya fumi, na ya fumithanu-, ya mahumi mararu. Vha zwigidi vhavho vha do fa vhusiku. Izwo ndi zwone. Inwi a ni divhi uri ni tuwa lini.

<sup>210</sup> Ivhani na ngoho. Ni songo kundelwa kha hezwo. Itonu elelwa, ni nga kundelwa kha mushumo wanu, kana na kundelwa kha *itsi*, fhedzi ni songo kundelwa kha HeLo. Elelwani, ipfi langa li do vha thanzi kha theiphi ya maginete ya Mudzimu nga Duvha la Khathulo, li tshi lwa nazwo.

<sup>211</sup> Fhedzi zwino zwi elekanyeni, musi ri tshi imba hafhu zwifhañuwo zwashu zwo kotama. "Hune A..." Murathu Neville. "...Ndi do tevhela."



*TSHEDZA TSHITSWUKU TSHI TAIDZAH  
TSHA TSHIGA TSHA U DA HAWE TSV63-0623E*  
(The Flashing Red Light Of The Sign Of His Coming)

Hoyu Mulaedza nga Mukomana William Marrion Branham, u rangani wo newaho nga Tshiisimane nga madekwana a Swondaha, Fulwi 23, 1963, Thabereneakejeni ya Branham kha ja Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi thalutshedzo ya Tshivenja yo gandiswa huno ya phaðaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)